

النُّصْرَةُ الْمَهْدِيَّةُ

لِلْعَتَرَةِ الْأَحْمَدِيَّةِ

لَنَاظِمِهَا

الْحَاجُّ مَلَامَهْدِي الْحَاجُّ مُحَمَّدُ آلِ شَهَابٍ

الدَّرَازِ - البَجْدَرِين

الجزء الثاني

حقوق الطبع والنشر محفوظة للناظم

سنة ١٤٠٣هـ - ١٩٨٣م

النُّصْرَةُ الْمَهْدِيَّةُ

لِلْعَتْرَةِ الْأَحْمَدِيَّةِ

لَنَاظِرَتِهَا

الْحَاجَّةُ مَلَامَهْدِيَّةُ الْحَاجِّ مُحَمَّدِ آلِ شَهَابٍ

الدَّرَازِ - البَحْرَيْنِ

الجزء الثاني

حقوق الطبع والنشر محفوظة للناظم

سنة ١٤٠٣ هـ - ١٩٨٣ م

جميع حقوق الطبع والنشر والاقتباس محفوظة

لا يحق لأي شخص أو مؤسسة طباعة
أو ترجمة هذا الكتاب أو جزء منه إلا بإذن
خطي من عائلة المرحوم المؤلف.

بِسْمِ اللَّهِ الرَّحْمَنِ الرَّحِيمِ



صورة الناظم
الحاج الملا مهدي الحاج محمد آل شهاب

بِسْمِ اللَّهِ الرَّحْمَنِ الرَّحِيمِ

الاهداء

الحمد الي أبقاني وفيت بالوعد الى الأخوان
نظمت للنصرة جزءا ثاني تقربا للخالق المنان

أهديته لأعظم القربان شهيد يوم الطف في الميدان
الغرقد الثاني العظيم الشأن معزيا للمصطفى العدناني

والمرتضى المبيد للأوثان وللبتول خيرة النسوان
والحسن الممدوح في القرآن في سورة النور وفي الرحمن

والتسعة الطاهرة الأردن جرثومة العلوم والأيمان
واليتهم بالقلب واللسان وقد رجوت صاحب الزمان

تأييد تاريخي للديوان

فقلت

يا غائبا عنا وخيراته تترى علينا من مكان قريب
مهدي يرجوك لديوانه أرخ، وقد طال علينا الغيب (١)

١٣٩٤ هجرية

(١) هذا التاريخ لعام الجمع.

كلمة الناظم

الحمد لله الذي دل علي ذاته بذاته وتنزه عن مجانسة مخلوقاته
والصلاة والسلام على نبي الأنبياء امام المرسلين وفخر العالمين أبي
القاسم محمد ابن عبدالله بن عبد المطلب بن هاشم بن عبد مناف
شرف الأشراف وآله المعصومين سادات الملا المتوجين بتاج العصمة
والعلاء الصابرين على ما نالهم من البلاء والابتلاء في سبيل الملك
الأعلى جل وعلا وبعد فأقول وأنا الأقل الجاني مهدي بن الحاج
محمد بن الحاج أحمد بن الحاج محمد شهاب الدرازي البحراني
سائلا من الله سبحانه أن يذلل لي نواصي الأمانى كما بلغني لنظم
الجزء الثاني من الديوان المسمى بالنصرة المهديّة للعترة الأحمدية
وكلاهما هدية لسيد البرية وذريته المعصومية راجيا قبولها والعضو
عما فيها من تقصير وقصور اذ لا يسقط الميسور بالمعسور وحيث
شغلني عن جمعه ما شغلني الى أن قيض الله لي الولد الذكي الغيور
الوفي العزيز الكاتب الفنان الاستاذ علي نجل المقدس المرحوم الاستاذ
الحاج منصور بن الأخ المبرور الحاج ابراهيم بن الحاج محمد شهاب
الدرازي البحراني فجمعه بعد التبديد وألفه بعنوان نضيد فبرز في
هذه الحلة القشبية كثر الله أمثاله وبلغه آماله وأخذ بيده ووقفه
لمراضيه و أثابنا الله واياه وجميع المؤمنين والمؤمنات لخير الدارين
أمين والحمد لله رب العالمين.

الناظم

كلمة جامع الديوان

الاستاذ علي نجل الاستاذ منصور شهاب

بسم الله وكفى

والصلاة والسلام على عباده الذين اصطفى محمد وآله
المعصومين الشرفاء وبعد..

فقد دعاني العم العزيز الورع الحاج مهدي بن الحاج محمد
آل شهاب الدرازي البحراني لجمع الجزء الثاني من ديوانه سمى
بالنصرة المهدية للعترة الأحمديّة وفاء بوعدّه لأخوانه المؤمنين
وتحقيقاً لرغبة الآخرين فقامت بهذه المسؤولية فجمعت في هذا
الجزء وهو الجزء الثاني ما جادت به قريحته في مدح ورثاء
أهل بيت العصمة عليهم السلام شاكرًا له ثقته الغالية يقودني
أمل، وتدفعني رغبة في نيل ثواب الله سبحانه وتعالى فأبرزته
كما ترى عزيزي القارئ متمنياً اعجابك راجياً صفحك وعذرك
في أخطائه.

وصاحب الديوان ليس بحاجة الى تعريفي فهو العم الورع
الخطيب اللبيب والأديب اللامع الحاج مهدي بن المرحوم الحاج
محمد الشهابي الدرازي البحراني أحد فحول شعراء الرثاء
الحسيني نخبة الانسانية الذين التهبت أفئدتهم بمآسي كربلاء

حيث استشهد فيها الامام الحسين عليه السلام وهز ضمائر الأمة التي ضحى من أجلها، ورسم بدمائه الطاهرة درب هدايتها وسعادتها فراحوا يخدمون الحق، ويهاجمون الظلم فكشفوا لنا عن بربرية الأمويين ووحشية العباسيين، وأزاحوا الغطاء عن نواياهم الخبيثة الهدامة للقيم الانسانية وانني عزيزي القارئ لعاجز عن أن أوفي هذه الشخصية الفذة حقها، وأعبر عما تحمله من زهد وتقوى وإيمان وصلاح، وما عرف عنها من أخلاق وتفان في نصره أهل بيت العصمة باللسانين القريض والشعبي، فتركت هذا خوف الاتهام والتعصب، فأوكلته الى المختصين بكتب التراجم والتاريخ.

واليك أيها القارئ الكريم أقدم هذا الكتاب - أجل فيه البصر، ومتع به النفس، فستجد فيه المعنى الصادق الواضح، والكلمة النابعة من قلب مفعم بالحزن والأسى المعبرة عن حسن الولاء، وسيتجلى لك الشاعر المبدع الرقيق ذو الأفكار الخصبة، والخيال الواسع، والاسلوب السلس الرصين وختاماً أدعو الله تعالى أن يوفق المؤلف لكل خير ويطيل في عمره انه ولى التوفيق

جامع الديوان

علي منصور ابراهيم الشهابي

كلمة تفضل بها صاحب الفضيلة

الشيخ مجيد الشيخ علي الشيخ جعفر

بِسْمِ اللَّهِ الرَّحْمَنِ الرَّحِيمِ

الحمد لله وصلى الله على محمد وآله الذين أمناؤه على دينه والرعاية لعباده والقائمون بأمر دينه وبعد فان أفضل شيء يقدمه المرء في هذه الحياة الذكرى الخالدة لتكون له عمراً ثانياً وذكر سامياً وحديثاً حسناً. لذلك ترى من كان متخصصاً في هذا المضمار أعني به الرجل العبقرى الذي كرس حياته العطرة في خدمة الدين واقامة أهداف سيد المرسلين وآله الفرر الميامين فأصبح ربيب الوعظ والارشاد وحليف المنبر للبيان بالسداد الفرد الذي يشار اليه بالبنان المهدي المهتدي من الكريم المنان الحاج مهدي المحمدي الشهابي.

فقد ألم بالحوزة الكبرى وحاز قصب السبق بين الخطباء والمرشدين ولأخير في قول لا ينصب عليه برهان بيقين ، لذلك احيلك أيها الناظر على كتابه الذي بين يديك المعروف بالنصرة

المهدية للعترة الأحمدية وهو الجزء الثاني الذي عبر فيه وفيما قبله عن شعوره الحية لما وضع فيه من ممتلكات ثمينة فمتى لاحت بعض سطوره الي ورمقت عيناى بعض كلماته وجدته مشربا عذبا و نميرا صافيا مع انى بالوقت لم يمكنى أن اتصفح كاملاته ، ولكنى وقعت على بعض جزئياته فرأيت فيه ما أسسه و بناه وما أقامه وأعلاه ما تقرب به العيون وتشرَّب له النفوس

وتهتز به القلوب وكيف لا يكون كذلك وقد قدمه فذمن الأفضاذ طاهر النسب وطيب الحسب والحائز لقصب السبق فى الأدب الذى يعجز لسانى عن الأطراء عليه، لذلك أرجو الله سبحانه ان يخلد له الذكر الأسمى ويبلغه الدرجات العلى انه سميع مجيب، واختم كلمتى بما ابتدأتها وهو الحمد لله رب العالمين.

عبد المجيد الشيخ علي الشيخ جعفر

وقال راثيا لفاطمة الزهراء (عليها السلام)

راجياً شفاعتها وشفاعة ابيها وبعلمها وبنيتها الاعلام (عليهم السلام)

حيني بالمديح للزهراء
وأبيها والعترة النوراء
وبحبي لهم ورفض عداهم
وبهذا قد تم صدق الولاء

فسفين النجاة للوز بالجنات
نيطت بحبنا هؤلاء
سادة للأنام والأصل طه
سيد الكل خاتم الأنبياء

فأعرنى منك المسامح يا صاح
وكن لي موازراً في الرثاء
من أبوها خير النبيين طرا
وكذا الزوج سيد الأوصياء

وبنوها أئمة الحق نصا
ثابتا جاء واضح الأنبياء
وهي العروة الوثيقة قل لي
يا خليلي صدقا بغير امتراء

حقها أن ترض منها ضلوع
ياحى الله فعلة الأشقياء
أسقطوها جنينها بعد لطم العين بالكف عصابة الاعتداء
يوم جاءت بالجزل والنار للبيت ونار الفنون في الأحشاء
حق أنى أشق جيب التهاني
وأطيل الذكرى اليوم الجزاء
باكيا للبتول فيما عراها
ولقود الوصي للأعداء
أخرجوه ملببا ليت شعري
هل نسوا نص سيد الأنبياء
ان يوم الغدير شاهد عدل
وكذا الوحي من الله السماء
بعد نص الرسول اليوم أكملت لكم دينكم بنص الولاء
فقلبتهم ظهر المجن عليه
ورغبتهم عن الدواء للداء
واغتصبتهم محله وزويتهم
فاطما عن حقوقها بافتراء
قلتم قال أحمد لا نورث
أفيرضى الاله ذو الآلاء

ان تقولوا زورا عليه انحرافا
عن صريح القرآن بالآراء
لم تنزل فاطم الى الله تشكوا
منكم في صباحها والمساء

ثم أوصت أن لا تصلوا عليها
وقضت في السجود ست النساء
رجت الأرض والسما يوم ماتت
البكاء السبطين والألياء

وتولى تجهيزها حجة الله علي ودفنها في خفاء
قائلا كنت لي عزاء عن المختار أنا واليوم عز عزائي

تم مارمته هنا فاقبلوه
واسئوا الله لي بطول البقاء
يا هداتي مهدي نجل شهاب
وافد فار فدوه يوم الجزاء

وقال وفقه الله تعالى لمراضيه

في ذكرى مريم العذراء وفاطمة الزهراء (ع)

ينعى الزبور لمريم والمحكم
والبيت ينعى والحطيم وزمزم

والحور والولدان ضجت وابنها
عيسى المسيح صبيب عينيه الدم
لاغر وان يبكي لها محرابها
والليل ينعاها وتبكي الأنجم

هل كيف لا والاي في قرآنا
نصت لها فضلا بما هو أعظم
في عفة وعبادة حتى قضت
وحياتها في كل طرس ترسم

وبقي المسيح يتيمها في همه
ولهامه بالكف طورا بلبدم
بالله يارب الحجى قل لي بما
تدري فبالأحزان قد غص الفم

الشبل مريم أم الشبلي درة
لأصداق نبكي أم لكل منهم
عيسى بن مريم أمه ماتت ولم
يحضر فضج مناديا يا مريم

أوحشتني وهما على الزهراء قد
شقا جيوبهما وقام المأتم
لم أدر أي رزية أشجتهما
أفراقها أم أي خطب أألم

اسقاط محسنها برفسة ظالم
أم لطم عينيها فما أجراهم
قطعوا اراكتها وحازوا ارثها
قادوا الهزبر عميدها بل صمموا

أن يقتلوه فالتجت ست النساء
تشكو الى الله العظيم وتقسم
همت برفع قناعها فتزلزلت
أرض المدينة كلها فتلاوموا

قالوا له اشفع يا علي لنا فقد
جاءت لتهلكنا البتولة فاطم

أدى لها سلمان عنه رسالة
كفى فقالت هل يجيء الضيغم

نادي علي حين خلي سربه
والقلب فيه نار وجد تفرم
يا بضعة المختار يا شمس الضحى
مقدار فضلك لم تنله مريم

من ههنا حل البلا والابتلا
في ساحنا والهنا لا يظلم
قالت صبرت ولم تزل حتى قضت
وعاداتها عن رشد هم صموا عموا

قبسات نار أضرموها يوم في
بيت البتول تهجموا وتقحموا
قد أجمت في كربلا حتى طوت
فسطاط آل محمد وجرى الدم

لم يبق منهم من يقل سلاحه
الا عليل أو نساء ايم
فيصيح واذلاه أين حماتنا
أطفال هنالك يتم

تمت وارجو العضو يا خير الورى
والعضو لا يرجوه من عاداتكم
لكن مهدي الشهابي قنكم
يرجو النجاة بحبكم وولائكم

* * * * *

وقال تقبل الله عمله
في ذكرى ولادة الحسين ومصيبة (ع)

شعبان شهر حباه الله بالتحف
شهر النبي كما قد جاء في الصحف
شهر بثالث يوم منه قد ولدت
ست النساء حسين المجد والشرف
شهر به أفر ثغر الدين مبتسما
يرجو النجاة به عن وصمة التلف

جاءت ملائك عرش الله حاملة
تهانينا وتعازاه والهفي
شيب الهنا بالعزا في يوم مولده
والأمر الله ان السر فيه خفي

أي لا تقل كيف لا حتى متى أبدا
ان الزمان لأهل الحق غير وفي
أضحى يزيد يرامي الدين معتديا
بعدة وعديد آه وا أسفي

على الحسين وحيدا بعد اسرته
حاطت به عصابة أغرته بالصحف
راموا بذلك محو الدين فاستعرت
نيران حرب سناها بالحسين طفي

قد زوج السيف بالهجمات واقتطف
الأرواح بالرمح حاشاه عن السرف
وعادت الخيل غرقى في الدماء ولو
هز المهند كل الهز بالعنف

الزال قاف عن الأرضين واضطربت
أفلاكها ولقالت ياذا انكسفي
هذا الحسين وما أدراك أي فتى
سبط الرسول أطيعيه أو انخسفي

فالممكنات جميعا طوع راحته
علياه في طاعة الرحمن غير خفي

الو شاء يقلب للأكوان حين سطا
في حملة الغيط لم تثبت ولم تقف

الن دعاه الله الخلق حيث قضى
عليه بالقتل حتما غير منصرف
فانصاع لبيك يا رباه ممتثلا
هاو على الأرض فالأرضون في رجف

معالجا نزع سهم في حشاشته
كم كف رجس رماه الله بالكلف
فانقض شمر عليه حين غشوته
واحتز بالسيف راس السيد الأنف

فاهتز اذ ذاك عرش الله وارتفعت
أصوات أملاكه تنعاه باللهف
اليوم أهل العبا ماتوا بموتك يا
من ضمكم كلكم فيه كسا الشرف

ان تبق ملقى ثلاثا فهي موهبة
أجرى لك الله فيها حالة السلف
أعني بهم أنبياء الله يا شرف الـ
أشراف يا والدا للحجة الغلف

أني به وبكم ناج بحبكم
حال الحياة ولل فردوس مزدلفي
أيضا ونسلي مثلي انني بهم
لمغرم في تعاليم الصلاة وفي

آداب وجدانهم دنيا وآخره
أذابت نفسي وأرجو أنهم خلفي
صلى عليكم إلهي انني بكم
مهدي آل شهاب البر والنصف

لنا بخدمتكم عزا غنى شرفا
أوفيتم الكيل أنتم ذروة الشرف

وقال تقبل الله عمله وبلغه امله في ذكرى ولادة
الحسين (ع) وحضور لعيا عند الولادة

سبط النبي المختار نوره بالعرش لاح
يا ألف حي ومرحبا ابخامس الأشباح

تبتسم لعياء وتفتخر محلاً حبيها
والحور تسمع للحچي وتثني عليها
ابخدمة الزهراء وقابله صارت اليها
بولادة احسين الشرف خامس الأشباح

يا يوم ثالث من شهر شعبان ياليت
تمت الفرحة بيك طول الدهر ياليت
لاچان عاشور من شهر عاشور ياليت
ماچان هالمولود عن ظهر المهر طاح

يوم الولادة اتزينت لجنان والحور
لبست الزينه وهلهت وتساطع النور
يا حيف لكن عارض الها يوم عاشور
وتبدلت الافراح كلها ابحزن وصياح

ياليت فرحتنا ابثالث شهر شعبان
دامت ولاچان افتجع سيد الأكوان
سبطه وتكفل في رضاعه انذبح عطشان
فاداه يابنه ووزعوا جسمه بالارماح

حال الولادة اتقلته لعياء ابكفها
وحال الرضاع ابهام جده يرتشفها

وانفطم بعلوم النبي الحاوي شرفها
وحاز الشجاعه بالأرث من شيخ لبطاح

مفرد ولكن سطوة الكرار عنده
عطشان لكن مرتوي من ابهام جده
مصباح شع ابكربلا وانعضر خده
في المعركه ودمه على وديانها ساح

الأملاك تستأذن من الواحد الجبار
تنزل تهني به وتعزى به المختار
جبريل جاله والدمع في شبه الامطار
جاب الملك فطرس يحمله فوق الجناح

وتسمع ابمهد الشهيد وطار في الحين
يفتخر من مثلي عتيق السبط لحسين
والملك صلصائل يا شعيه افهموا زين
كل من توسل بيه طابت عنته وراح

والي يهز مهده افتخر والي يحمله
وكل هالبلايا الصابته بمقدار فضله
تفداه روعي اتناهبوا العدووان رحله
وقطعوا كريمه وتوجو ابه روس الارماح

وبلسان الحال عن الزهراء
قال في ذكرى ولادة الحسين (ع)

طير الهنا بشرني وتالي حرق لىواذي
يقللي يزهرأ احسينكم يندبح في أي وادي

حملج قرب ميلاده نوره انتشر في العالم
ميلاده ابهالليله وانتي نصبتي المأتم
خلي البواجي التالي ولجفون تمطر بالدم
حني عليه وصيحي وافجعتي بولادي

يوم الولاده القابله لعيأ وثغرها يفتري
ساعة فرح ياليتها في يوم عاشر تحضري
من طاح عن ميمنه وظل في الثرى يتعفر
يشكي العطش واويلي وظل ينتحب وينادي

وين العشيره عني ما چنهم ايعرفوني
ما انا العزيز الغالي يهلي ماظن تنسوني
وينچ يزهرأ عني ياليتج اتشوفيني
تشلعي السهم المثلث عن مهجتي وفادي

تبچين من قالو لچ بتصيبني هالوقعه
قبل الحمل بي صرتي متمرمره و متروعه
قالوا أنامل جده خير البرايا ترضعه
وفي كربلا اتشوفينه مذبوح قلبه صادي

لعيا اصعدت للجنه تفخر على سكانها
الولدان تخضع ليها والهور تعرف شانها
ياهو اليفاخر لعيا امن اهل السما وجنانها
مستقبله بكفينها سبط الرسول الهادي

يوم على كفينها تستقبله وتقبله
وأمه ابصدرها اتحضنه اتشمه ودمعها تهمله
ويوم تشوفه امجدل والشمر داسه ابنعله
والاعداء احرقوا صيوانه وزينب حدى بها الحادي

الله يا هي غبطه يوم الولادة وفرحه
شيعة علي في ونسه وقلو بهم منشرحه
ويوم انصرع واليهم والجو أظلم صبحه
قامت عليه الصيحه أرض وسما وكل وادي

وقال ايضا فيما يتعلق
بوفاة النبي (ص) ونزول ملك الموت عليه

يا هو اليدق الباب يا هو اليدق الباب
والمصطفى وجعان يا هو اليدق الباب

يا هو اليدق الباب هالسا والنبي ابهالحال
فاله عسى فال السلامه وتقصده السؤال
راح او رجع للباب قالت والدمع همال
يا هو اليدق الباب يا هو اليدق الباب

قالت لبوها قال هذا قابض الأرواح
هالسا البسي ثوب المصايب وانزعي الأفراح
بالأذن جاله وجبرئيل هناك حن وصاح
وسفه انغلق هالباب وسفه انغلق هالباب

راس النبي ابحجر الوصي حيدر أبو السبطين
ومن فاضت الروح الشريفه صاح حامى الدين
مات النبي المصطفى وصاح الحسن واحسين
وسفه انغلق هالباب ما ترجع الأحباب

ابموتك يبو ابراهيم ماج الكون وين انروح
كلنا يتاما وحيدر الكرار شغله النوح
ويصيح يا بدر السعد قلبي ترى مجروح
وسفه انغلق هالباب يمتى تجي الغياب

ماج العرش واتزلزلت لكوان والكرسي
اوصاحت الحورا باح من كثر البچا حسي
وماجت الاراضي وناح كل جني وكل انسي
يعزون داخي الباب وسفه انغلق هالباب

صلى عليه ولحده ابقبره وقعد في البيت
يلطم على راسه ويقول أظلم علينا البيت
وسفه انغلق هالباب واستوحش علينا البيت
ما ترجع الغياب وسفه انغلق هالباب

وقال ايضا بلسان الحال
عن الزهراء في خطابها لعلي عنده وفاة النبي (ص)

اسم الله على بو ابراهيم لا تغفل يكرار
شيل الوساده ابهون عن وجنة المختار

لا تفوض روحه على تعب خله على هون
بهداي يا خذ له استراحه علة الكون
خل الحسن واحسن عنه ابعيد لا يجون
في هالوكت لا ينكسر خاطر المختار

يقلها على ما بي يزهر لا تزيدي
حلق علينا الضيم لكن أنا اشبيدي
فتح اعيونه وقال حط ايدك بايدي
وحط كفه ابكفها ياليت الدهر لا جار

وصاه بيها وقال له هذي الوديعة
أوصيك بيها لا توافيني وضيعه
صاح الوصي المرتضى اوسالت ادموعه
سليت روعي ابهالحجي يا نور الانوار

ودع أهل بيته وودع حسن وحسين
وتاليهم الزهرا وفارس بدر وحنين
أسبل يدينه ويح قلبي وغمض العين
والروح فاضت للعرش والفلك ما دار

ما صار في الأيام وحشه مثل يومه
محد تهنى ابمطعمه وشربه ونومه

والشمس غابت والسما غابت انجومه
والكون أظلم ما زهت في الجو الاقمار

حيدر يغسله وجابت الزهرا حنوطه
وتقول سوري انهدم راح الي يحوطه
وجه الأرض ذاك الوقت غارت اشطوطه
ما غير دمع العين يجرى شبه الامطار

صلى عليه الله واملاك السموات
والمرتضى والي اختصوا بالكرامات
مدة ثلاث ايام واختلطت الأصوات
أرض وسما ويوم اندفن صار الذي صار

باتت عليه الملة الغرا أسيفه
ومحد استبشر غير أصحاب السقيفه
مدة حياته أظهروا السلام خيفه
ومن غمضت عينه اشعلوا في بيته النار

وذلك العزيزة الغاليه امست ذليله
ولفراق هد اركانها وعاشت نحيله
كسروا ضلعها وبالهضم ماتت عليه
واتجهزت بالليل واراها الكرار

وله ايضا في ذكرى
مصيبة النبي (صلى الله عليه وآله)

موتك يبو ابراهيم رج الكون موتك يبو ابراهيم رج الكون
أهل السما ايضجون مات النبي الهادي

مات النبي الهادي يزهران شقي اجيوبج
لظمي على راسج يزهران مات محبوبج
ثوب الفرخ لا تلبسينه والحزن ثوبج
أهل السما ايضجون مات النبي الهادي

يم الحسن وين الحسن ما يحضره الجده
أصبح يتيم امن الفرخ والعز من بعده
ياهو اليلومه لو خمش وجهه ولطم خده
أهل السما ايضجون مات النبي الهادي

تبجي عليه أهل السما ويبجي القلم واللوح
والأنبياء والأوصياء والافلاك كلها تنوح
والبضعة الزهرا تنادي بعد وين انروح
واهل السما ايضجون مات النبي الهادي

حيدر تعال اوسكت اولادك حسن وحسين
باشوف أنا ام كلثوم والهورا انزروا في وين
فضه تعالي شوفي اسما انتين لا تبجين
واهل السما ايضجون مات النبي الهادي

أدى الوصيه بو الحسن جهز رسول الله
حطه ابضريحه وودعه وقال الأمر لله
صاحت الحورا ضيعتنا يا نبي الله
واهل السما ايضجون مات النبي الهادي

وقال ايده الله تعالى في مصيبتة الزهراء (ع)
راجيا شفاعتها وقبول هذا الفصل البديع منه

للزهراء ابسفينة نوح مسمار الخبر ثابت
قلي اشجيبه للباب ليها بالصدر نابت

تصرخ بيك يا كرار ما هابوك ذلوني
بس فارقني المختار ماچنهم يعرفوني

وجوا بابنا بالنار فوق الوجه لطموني
عندك خبر يا مغوار جبدي من الهضم ذابت

حاضر مايصير انقول غايب وانت وسط البيت
جالس يا فحل لفحول تسمعني ولا لبيت
يا بو الحسن يا مامول چم ونه حزن ونيت
جسمي من الضرب منحول عيني من اللطم عابت

حاضر عند سفينة نوح يوم الموج والطوفان
اسمك بيه قر اللوح هابتك الأنس والجان
قلبي من الحزن مجروح حاتفني زماني وخان
ذبت امن البچا والنوح يا هي مثلي انصابت

تحچي صدق ما شفنا مثلها في البرايا صار
حل الضيم ساحتها ابموت المصطفى المختار
حار الفكر چي تنضام زوجة حيدر الكرار
رد وقال هالي صار معناه الخبر ثابت

فضل وشرف لازم فيه بلوى لا هوان ابها
نحلتها وارتهما اشلون ذاك الشيخ ينهبها
علویش الرجس أمر عبد بالسوط يضربها
كله عن حسد ليها وبغض في القلب ثابت

وذاك البطل جى ينقاد بحبال وحمائل سيف
لكن ما وجد عدة يثور ابها الفحل يا حيف
كف ايده وصبر علضم ادى واجب التكليف
خاف الناس يرتدون چبده امن الحزن ذابت

* * * * *

وقال ارشده الله لمراضيه ونصره على اعاديه

للزهرا ابسفينة نوح مسمار الخبر ثابت
قلي اشجيبه للباب ليها بالصدر نابت
جابه الها القضا المحتوم به زود الشرف ليها
مقدار الفضيله صار بلواها من اعاديه
وچوا بابها ابنيران قادوا بحبل واليه
صاحت لو وعت لصخور ليها اتفتت وذابت

ماچنهم يعرفوها وديعة أحمد المختار
ماچتهم دروا بيها حليلة حيدر الكرار
بس غمض أبو ابراهيم عينه حاجت الأشرار
حاطت بيتها بالنار عصبه كفر ما هابت

من غاب النبي ظلت حزينه اتكابد الأوصاب
ممنوعه عن ابجاها وعنها اتخاذلت الاصحاب
ملطومه على خدها ومحسنها سقط علباب
صاحت والضلع مكسور وبين اهل الشيم غابت

مدفوعه عن الميراث والنحلة او عن ابجاها
تمنت ماتت ابعزها وهذا الضيم ماجاها
عزها المصطفى ومن مات حل الضيم وياها
راحت صوب قبره اتصيح خابت أمتك خابت

ما سارت سفينة نوح لولا الخمسة الطيبين
طه او حيدر الكرار والزهرا او حسن وحسين
نوح ابتهج باسماهم وسالت دمعه في الحين
من شاف النداهه اتسيل حس ابمهجته انصابت

سائل خبره جبريل قال احسينهم مذبوح
لازم في أرض لطفوف يبقى اعلى الثرى مطروح
جسمه وفوق راس اسنان راسه عن الجسد منزوح
لازم يندبح عطشان جبده من العطش ذابت

دق الراس بالجفين نوح وسالت ادموعه
يقله بعد يا جبريل زدني امن الحزن نوعه

قال اخيول عدوانه تدوسه اتكسر اضلوعه
وتمطر له السما بالدموم ليين انجومها غابت

وقال تقبل الله اعماله وضاعف نواله

من شافت الزهرا الغضنفر قايدينه
همت بتدعي وزلزلت أرض المدينه

خافوا بدعوتها تسيخ ابهم لراضين
وتنادبوا يستعطفون امشيد الدين
أرسل اليها المرتضي سلمان في الحين
كفي يزهر الفخر لنا يعرفونه

تقله ودمعها يسيل سامحني يسلمان
لا اتهيج احزاني شفت فارس الفرسان
والي أمس من هيبتة ترهب الشجعان
مصفود في قيد المذله يسحبونه

عزي وعزه ابموت طه قوض وراح
هجموا علينا البيت وتبدلت لفراح

لو لاد صاحوا قلت انا ما يفيد لصياح
لازم أروعهم قبل ما يقتلونه

سلمان خلني باخسف ابهم لا يتيهون
لازم يجيني بالعجل هزاز لحصون
والا رفعت اقناع راسي واخسف الكون
يقلها يقلج بو الحسن لا ترفعين

هود عليها وبالدماع فاضت العين
قال ارجعي للبيت يا ست النساءين
قالت بنشكي حالنا الخبر النبيين
حاطو ابقبره من شماله وعن يمينه

صاحت يبويه حيدر الكرار طلعه
من منزله والباب بالنيران وجوه
وضلعي ابصير الباب يا مختار رضوه
ما قصرنا ما راقبوا الجبار فينا

دقعد ببو ابراهيم جيت اشكي لك الحال
لضلوع مني كسروها القوم لنذال
قادوا وصيك حيدر الكرار بحبال
مالي جلد أحجي جنيني امسقطينه

وقال في شكايته لأبيها صلى الله عليه وآله

الزهرا تون ضلعي الزهرا تون ضلعي
دقعد يبويه وشوف لعدى اكسروا ضلعي

من غمضت عينك عقب عزي انذليت
وجوا ببابي نار يابه وطبوا البيت
ومن عصرة الباب الولد محسن سقط ميت
دقعد يبويه وشوف لعدى اكسروا ضلعي

دقعد يبويه وشوف لعدى اكسروا ضلعي

مدة حياتك يا لأبو محد هضميني
ومن غمضت عينك عدوك جاء ولطمني
ما راقب الله ولا احترمك ولا رحمني
دقعد يبويه وشوف الأعدا اكسروا ضلعي

دقعد يبويه وشوف الأعدا اكسروا ضلعي

صاحت الحورا والحسن واحسين وام كلثوم
يمفرج الشدات يابه اشصار بيك اليوم

چنك متدرى اشصار بامنا يا بحر لعلوم
ملطوم خدها اتصيح الأعدا اكسروا ضلعي

ملطوم خدها اتصيح الأعدا اكسروا ضلعي

مدري اشعذك ياأسد مدري اشحل بيك
وانته الذي من عقب جدنا نحتمي بيك
رايض ابدارك تسمع امنا تنتخي بيك
ملطوم خدها اتصيح الأعدا اكسروا ضلعي

ملطوم خدها اتصيح الأعدا اكسروا ضلعي

الأولاد تعتب علا بو والدمع همال
وتقول له وشهالصبر يا سبع لرجال
ولن الضفادع طالعه اتقوده بالحبال
وامهم وراه اتصيح خلوه لو بدعي

دقعد يبويه وشوف الأهدا اكسروا ضلعي

من شمت اتراب القبر وانهل دمها
تشكي لبوها ولازمه ابكفها ضلعها
ماج القبر من ونة الزهرا وسمعها
دقعد يبويه وشوف لعدا اكسروا ضلعي

دقعد يبويه وشوف الأعدا اكسروا ضلعي

وقال في وقوفها على قبر ابيها (ص) وشكايتها له

وقفت الزهرا اعلى قبر المصطفى وانهل دمعها
تشتكي له من اعداها ولازمة ابكفها ضلعها
من غبت عني يبو ابراهيم صار النوح فني
صرت احن اعليك قالو اشهالبواجي لا تحني
سقطوا العدووان حملي وورموا بالسوط متني
صحت يابو احسين ترضى ونخوتي ماظن سمعها

لببوه ابجل من داره وطلعوا به املب
لا رعى الباري زنيم بالأذى لينا اتسبب
ظل أبو محمد ينادي وظل شهيد الطف ينتحب
والوديعه اتصيح ذلونا العدى وتسجب دمعها

تشتكي وتصيح والمختار اظن يجذب الونه
روحي البيتج يزهررا وفي الحشر ننتصف منه
لا تلومي حيدر الكرار لا يزداد حزنه
سلمت الله وراحت والحسن وحسين معها

على افراش المرض طاحت بضعة الهادي نحيله
من عقب طه انذلت بالهظم ماتت عليه

داحي الصخرة ابيمينه ما يفتر من عويله
قوته انهدت مجنه فارس الهيجا وسبعها

من عقب موت البتوله نكسر الكرار راسه
ينتحب ليله ونهاره الترهب الشجعان باسه
قيدت عزمه الوصية اتخاذلت أهله وناسه
يقصد الروضه ويذكر لطمه الزهرا وضلعها

* * * * *

وقال سامحه الله تعالى في عتابها لأمير المؤمنين (ع)

ضاعت الزهرا عقب ابوها المصطفى ضيعه
ملطوم خدها وعن ابجاها اعليه ممنوعه

ويوم انهب منها فذك واتخاذلت الاصحاب
ردت اتعاب بو الحسن لحد يداحي الباب
يقلها اسم ابوج اعلى المنابر لا تزيدي اعتاب
اسمه فخرنا وراية الاسلام مرفوعه

قالت الزهرا خل فذك يا ابو الحسن وحسين
واللي اتحملها خصيمه سيد الكونين
لكن بعد كيف الصبر مني اكسروا ضلعين
وما شفت ثكلى عن بچاها اتصير ممنوعه

أدري ابسيفك لو شهرته يفني العالم
لكن ذكر خير البشر سلوه ويزيل الهم
عل سيفك ابغمده ولوعيني اهملت بالدم
مدة حياتي ولو متت ثكلى ومفجوعه

لكن أحب أسمع أذان ابلال لو مرة
فوق المناره ولا تظل في مهجتي حره
أذن بلال وسمعته وطاحت على الغبرى
مغشي عليها والكبد بالحزن ملسوعه

وقال في وصيتها لأمير المؤمنين علي (ع) ووفاتها

راح الحسن واحسين يم روضة المختار
وامهم على افراش المرض توصي الكرار

أوصيك بالسبطين يا فارس الفرسان
واوصيك بأم كلثوم يا مردي الشجعان
وبزينب الحورا يمير الأنس والجان
تلتفت ليهم من عقب عيني يمغوار

تدري اليتيم الي يفارق من يريه
يبجي ويغص ابعبرته وما يندري بيه
انجان حصل له شفيح يحتمي بيه
والا انسلب عمره وتمنى انجان ما صار

لكن اولادك هالذي أوصيك بيهم
عاشوا ابمعزه وما أحد يسطي عليهم
وافراق جدهم بالحزن أثر عليهم
ومن عقب عيني اشحالهم يا حامي الجار

في ذمة الله وذمتك خليت الأولاد
ودعتك الله ولا يحضروني هالاوغاد
بالليل دفنوني يقلها حزني ازداد
فرقاچ ذوبني يزهر ايم الاطهار

لازم أنفذ هالوصايا واسمحي لي
وبلغي سلامي للنبي الهادي خليلي

تدرين من عقبه يزهر ا طال ليلى
كلما أفكر فى الدهر حارت الأفكار

ما بين ما هم فى الوصايا جاهم الصوت
والحسن حاجاها ومنه القلب مفتوت
ولحسن يصرخ كلميني قبل ما اموت
وقالت يحيدر روح بولادك لتحتار

قام وطلع بيهم ودمعه يسيل كالسيل
وصلهم المسجد وظل يصيح بالويل
وامهم الزهرا بين تكبير وتهليل
حانت منيتها قبل ما يفوت لنهار

من سارت الصيحه المدينه ظلت اتموج
مثل السفينع التعلب ابها الريح والموج
عاد الوصي بالاولاد لن الكون مرجوج
طاحوا على الزهرا ووجت بالقلب نار

نادتهم ام كلثوم يابه وين رحتون
قالت الحورا ماتت امنا من طلعتون
واحنا اندهشنا يوم عنا انتون غبتون
ياليت يحضر فى العزا جدنا المختار

وله في ذكر وفاتها وتجهيزها ودفنها (ع)

في اسجودها الزهرا قضت والكون في زلزله
بأدر يغسلها الوصي ومدامعه هماله

ام كلثوم تسحب ذيلها اتنادي وتهل ادموعها
يمغسلين الطاهره بالهون لا اتوجعوها
ما قصرُوا عدوانها ابالجدار رضوا اضلوعها
أجرك على الله يا علي يمنكس الخيالة

شاف اللطم في خدها وشاف الأثر في عينها
والاضلاع منها امكسرة ومورمات امتونها
حن او جذب ونه وبجي وزفراته يسمعونها
ولفها ابكفنها اعلى النعش الله العليم بحاله

صلى عليها بالحضر عنده مثل ما وصت
ما صارت ابدأ في النساء وحدة مثلها اغتصت
ليها الفخر ليها الشرف والعلم بيه اختصت
ما راقبوا فيها النبي المصطفى ولا آله

ما باتت الا امجهزه بنت النبي ومدفونة
وحول القبر سوه الوصي اقبور لا يعرفونه

خايف عليها امن العدى الأشرار لا ينبشونه
ومن أصبحوا قام الفرع شيخ الكفر وارجاله

راموا ينبشون القبر جات الخلق محتاره
وحيدر طلع بمصيبته وفي صحبته بتاره
غضبان وادموعه تخر والقلب توقد ناره
ولو يلحظ ابعينه جبل قاف اقترب زلزاله

طاحوا على اقدمه يقبلوها ويقبلوا راسه
ولقلوب راحت ترتجف من سطوته ومن باسه
لو واحد منهم لمس للقبر حطه وداسه
أبو حسين قلبي اشعوقك يا مرهب الخياله

قبر الشهيد ابكربلا كم من سنه يحرثونه
تدري ابني عمه بني العباس ما ينكرونه
صار الحضر للباريه والعزم بينبشونه
لا ينعرف قبره ولا ايزوره الذي يعني له

واللي حباه ابهاالفخر واعطاه عالي الرتبة
حط الشفاء في تربته وقبره شبيه الكعبة
واتزوره الجن والبشر ليل ونهار تندبه
واتزوره املاك السما وتشكر جميع افعاله

وقال أيضاً في تجهيزها ودفنها (ع)

غسل الزهراء بو الحسن بالليل وادموعه تهل
لنفا ابكفنها وللقبر زفها ودفنها بالعجل

وصت عليه واكدت لا يحضرون جنازتي
ما قصروا هجموا على بيتي وغصبوا نحلتي
ولازم براوي المصطفى هاللطمة الي بوجنتي
وكيف اصبرت يا ابو الحسن كل هالصبر وانت الفحل

يقلها يبنت المصطفى عنى الجماعه اتخاذلت
كل الفرائض والسنن من مات ابوج اتعطلت
لو جردت سيفي ابغضب كل البسيطة اتزلزلت
صبري على كل البلا وسلمي على سيد الرسل

نخذ واصاياها علي وصلی عليها ابغزوته
ولمن وصل بيها القبر حطها وتجارت عبرته
وعقب الدفن حن وبچی وعزى الرسول ابضعته
وعود على اولاده يسلبهم وعبراته تهل

من وين هالسلوة تجي والاولاد في سن الصغر
اكبرهم السبط الحسن وناته اتفت الصخر

واما الشهيد بلا حچي دمعه يصب شبه المطر
وزينب ابختها اتعلقت شوفي الدهر بينا اشغل

من غاب ابونا المصطفى عزنا انطوى عنا ومضى
وامنا البتولة اتسقطت وانذل ابونا المرتضى
حسيت أنا ابذل اليتيم من عاينتها امغمضه
قالت وانا يختي قلت حان الأجل خاب الأمل

وقال أيضاً في خطابها لفضة (رض)

عدلي الوسادة لي يفضه
عمري من الدنيا تقضى

حصلت من هالباب رضه
وعيني من اللطمة مغمضة

ما ظنيت ابو الحسنين يرضي

قالت دهشتيني يستي
ومن صرختج ذابت مهجتي

شفتج على الاعتاب طحتي
من لطفة الفاجر وصحتي

والله عجب كيف اصطبرتي
وعقب هالمصائب كيف عشتي

لو أنى فدالچ جان بختي

وقال أيضاً في وفاة مريم العذرا
وفاطمة الزهراء (عليها السلام)

مريم العذرا توفت بالجبل
شق لجلها الجيب عيسى وابتهل

صاح بيها ومادري بيها قضت
صاح يا اماء قعدي وما حجت
صاح يا عذرا ترى صار الوكت
قعدي وصلي الفريضة والنفل

ما أجابت قام واحنى عليها
بس يحرك راسها ويديها
شاف لن الروح ابدما فيها
صاح صيحة وهدت اركان الجبل

صاح صيحه طبقت للخافقين
تشبه اصياح الحسن ويالحسين
يوم مرضت فاطمة وهم غائبين
عند قبر جدهم الخاتم للرسل

من اجوا دخلوا لها يزورنها
لن تسجت بالردا يشوفونها
من شغفها فتحت لعيونها
شابحة ليهم مدامعها تهل

من وصل مسمومها ومذبوحها
شجبت عليهم وفاضت روحها
والسما تعطل قلمها ولوحها
ناحت عليها الفرياض والنفل

جني بمريم تصب دموعها
آه فاطم كسروا لزلوعها

وين نوع مصيبتى من نوعها
حيف خدها يلطمه ذاك النذل

* * * * *

وقال ايضا في شان امير المؤمنين (ع)
حين حمل من المسجد الى منزله

شالوه من محرابه شالوه من محرابه
قومي يا زينب والدچ شالوه من محرابه

قومي ابجمل فرشى له افراش المرض يا زينب
شيبه خضيب الدمع وراسه وجبينه امعصب
ابسيفع المرادي الفاجر شق هامته وتغيب
جابوه لينا مكتف والمرضى ابمحرابه

قال احملوني البيتي واجنازته محموله
قومي تعالي شوفي حيدر عميد الدوله
شلناه شبه الميت واجنازته محموله
يبچي عليه المنبر في خطبته ومحرابه

من عاينت واليها وشيبه خضيب ابدمه
في الحال جتها الغشوة وطاحت عليه اتشمه
يا ساعة الميشومه النسوان صارت لمه
وام البنين اتنادي وجملة هله واحبابه

نادى الحسن يخواني بس عاد من هالصيحة
خلوا البواحي التالي خلوه تسهد روحه
دمه نشف واكبادنا بمصيبته مجروحه
وكلما نعاها الناهي اتجدد علينا امصابه

وين البتولة غابت ياليتها ويانا
تعمل دوى للراي وتمرضه ويانا
قلنا ابفرحنا انعيد صار الحُزن ويانا
ثوب الفرخ صد عنا وجانا الحزن باثوابه

**وقال ايضا في وقوف الفقراء والمساكين على باب
امير المؤمنين (ع) ليلة العشرين من شهر رمضان**

دارت على الباب اليتاما المساكين
في ليلة العشرين قلي اشحال ابو احسين

مابين وافد للعتا ويرقب العاده
ويسمع بواچي عيلته وصيحة اولاده
ويسمع طبيبه يقول عدلو آله اوساده
ماله دوا والسيف شق الراس نصفين

يابو الحسن وص ابوصاياك الأجل حان
بس في أمان الله يا حجة الرحمن
مخك براه السيف يا مردي الشجعان
سيف المرادي الشق راسك هدم الدين

يا حجة الله وآيته ونوره الوهاج
خان الدوى احتار الفكر ما ينفذ اعلاج
ودع بنينك عجل يا كعبة الحجاج
ودع بنينه وشقت الجيب النساوين

من شاف حالتهم بچی وسالت ادموعه
وصى الحسن واحسين بالحوور الوديعه
وصى ابنه العباس إذا طب الشريعه
أوصيك لا تشرب قبل ما يشرب احسين

قامت الصيحة واللطم وارتجت الدور
من حين ذكرهم مصايب يوم عاشور

لازم نواسيهم يشيعه ابدق الصدور
عنوان لمحبه يشيعة دمعة العين

وفاد حيدر واليتاما الي على الباب
كل من غدا يصرخ وقلبه من الحزن ذاب
واضيعتي عقبك ويتعضر بالتراب
وافجعة الإسلام بمصائبك يبو حسين

وبلسان الحال قال سامحه الله تعالى
في شان الامام الحسن (عليه السلام)

الله يعظم لك لجر يمشيد الدين
يا حيدر الكرار يابو الحسن وحسين

الله يعظم لك لجر يا بحر العلوم
سبط الرسالة بو محمد مات مسموم
شقت عليه الجيب زينب وام كلثوم
تصرخ اتنادي ويح قلبي استوحد احسين

ليتك حضرته يا علي وخامس الاشباح
من عاينه فوق الفرش حن وبجي وصاح
يسراج بيت الله ويا نوره الوضاح
من مات ابونا استوحدوا بينا الملاعين

ياهو الذوب مهجتك يسناد ظهري
ياهو الضجعي بيك ياعزي وفخري
ياهو الفيجعنا بيك أدري بيك تدري
مايفوت تارك چان تخبرني وانا احسين

يقله يخويه انتة الخلف بعدي يسردال
اوصيك بولادي التفت ليهم يمفضال
يابو الأيمه ابكربلا جدامك أهوال
وحده وعطش يابو علي وسبي النساءين

لازم يخويه امصيبتي تصبر عليها
وتكفل اعيالي وشيعتك تلتفت ليها
وزينب تسليها كفاها الصار بيها
وتسلي ام كلثوم بعدي يا ضيا العين

من عقب عيني انتة الامام ولازم اوصيك
بيدك تغسلني يخويه والخلف بيك

ودني القبر جدي ولا تخاصم اعاديك
لا تثور فتنه في حما خير النبيين

ودني البقيع اهنالك قبري لحدوني
ولا تنهظم يابو علي يا نور عيني
في يوم موتي جهزوني وادفوني
وانته تضل عاري ثلثت ايام يحسين

وصاه نص له بالامامه وفاضت الروح
وضلت خواته تلطم الهامات وتنوح
والجاسم ابنه ايصيح يا به وين انا اروح لا
وتزلزلت الافلاك ورتجت الأرضين

وبلسان الحال قال في استغاثة الدين بالحسين (ع)

يا خامس الأشباح يا زهرة زماني
أشكي له الي عاند الباري وجفاني

يا ضنوة الكرار يا سبط الرساله
يالورثك جدك مزاياه وخصاله
يا صاحب الغيره ويارب البساله
جدك رسمني ووالدك شيد اركاني

والعصبة الي حاربت ربها ونبها
لازالت اتحارب وجيتك أشتكها
أسئل من الله بيك ينصرني عليها
قال النصر جدام به ربي حباني

يوم احتمت ابخامس الأشباح لا تخاف
ما ينلهم صيتك وحق سورة الأعراف
رايه يزيد اتطيح لو توصل جبل قاف
ويصير قبري ابكربلا الركن اليماني

هيهات ما ندخل أبد في طاعة ايزيد
والأمر لنا ولأزم يصير الذي انريد
وارجال دين المصطفى كلهم صناديد
ساقى العطاشى واخوته وكلهم اخواني

ان صمم الحمله علينا الفاجر ايزيد
لازم ترف اعلامنا واحنا الأماجيد

لجلك بضحي ابهاضياغم والصناديد
حتى الرضيع ابني بضحي به تراني

باضحي ابنفسى العزيزة وبسمح ابها
باخلي الشجعان ما تنذل دربها
والسيف يلعب في بني اميه وحزبها
والعطش ذوب مهجتي وغير الواني

نشاب واحجار ونبل تردف عليه
وبالسهم المثلث آخر فوق الوطيه
وينشال رأسي فوق رؤوس السمهرية
ترضه الخيل وابقى في مكاني وجسمي

ثلث ايام والصيوان محروق
ولعيال كافلها عليل ابقيد موثوق
كلما تحن ذيك الودايح حنت النوق
ورأسي ابقضيبه يضربه نسل الزواني

وكل هالرزايا وهالبلايا ارضيت بيها
والطفوف فيها مصرعي اتعنيت ليها
فدوى لدين المصطفى نندبح فيها
جدي أمرني ابنصرتك وارتفع شأني

ما من دوى الجرحك سوى المرهم الفعال
دمي ودم ارجال حربي وكلهم ابطال
وتشهير نسواني سبايا فوق لجمال
والنصر من هالناحيه والفخر جاني

تشيد اركان المآتم في عزائي
وتزوني الجن والأنس في كربلائي
ويوم القيامه تشوف شيعتنا جزائي
اشفع الى الي زارني والي بكاني

وقال في دخول الحسين الشهيد على اللعين الوليد

محلا العشيره من مشت محلاها
تمشي ابراحه والنصر وياها
ترهب عدوها ليين طاقت حوله
واسياها من اغمادها مسلوته
وجداهم يمشي عميد الدوله
شبه الغضنفر مشيته محلاها

جني أشوف ابن النبي الهادي
في وسط بيته ينتخي وينادي
وين العشره امن اخوتي واولادي
جاته العشيره اسلاحها وياما

جيناك أمريا عزيز الزهراء
قال الوليد ارسالته لي قشري
ان كان عارضني اكفوني شره
قالوا حياتك روحنا تفداها

طب مجلس الطاغي الوليد ابنفسه
واشبول هاشم من وراه اتحرسه
من سمعه العباس رافع حسه
هاج بسلاحه وصرخته لباهها

طبوا المجلس هايجين الشجعان
ولحسين في غيظه يحاچي مروان
قال البطل عباس كايين ما كان
بسيوفنا نسقي العدى من ادماها

شيخ العشيره قام ويا ارجاله
طلعوا من المجلس بأحسن حاله

واما ابنه السجاد و يا اعياله
في مجلس ايزيد الدهر خلاها

چم نوب ابو محمد يصيح ينادي
في وين عني عزوتي واجدادي
راحوا واخلوني رهين اقيادي
وزينب ذليله وسلبوها ارداها

وقال في وداع فاطمة لابيها الحسين (ع) يوم خروجهم من المدينة

من جيتو اتودعوني من جيتو اتودعوني
ضاق الفضا في عيني من جيتو اتودعوني

ياهو اليجيب اخباركم ليه ويشوف اخباري
تشيلون وتخلوني حرمه ومريضه ابداري
خلو اطفالكم عندي ولا اتيهون افكاري
ضاق الفضا في عيني من جيتو اتودعوني

لفراق صعب وچايد ويش حيلتي يالوالي
دار العلم مغلوقة والبيت منكم خالي

دمعي جرى في خدي والله العليم ابحالي
ضاق الفضا في عيني من جيتو اتودعوني

يقلها خبرنا يجيكم لازم يبنتي لازم
من تسمعين الناعي نصبي علينا المأتم
قالت عسى الله يعودك سالم ببويه وغانم
لكن حرقوا فادي من جيتو اتودعوني

سبع الحريبه محمد لشجاع يوم الغاره
وصوه لا ينساني ولو هو طريح ابداره
رجال واني حرمه وامريضه ومحتاره
ضاق الفضا في عيني من جيتو اتودعوني

يا عمتي يا زينب يوخيتي يسكينه
اتمنيت انا وياكم في كل بلا اتلاقونه
ولاچت اضل ابداري متمرمره ومغبونه
ضاق الفضا في عيني من جيتو اتودعوني

ساقوا اظعتهم عنها وقلوبهم وياها
ماهي ابرخيصة لكن طال المرض وياها
كلما تجر ونتها عمها يون وياها
أهل الحظوظ العاليه راحوا لها وخلوني

وقال اطلال الله بقائه في بكائها وبكاء عمها
محمد بن الحنفية (رض) حيث بقيت المنازل خاليه

شدوا مطاياهم وساقوا للضعينه
ومحمد بقي الا محمد يجاذب ونينه

وفاطم الكبرى بنت اخوه اتصيح بالويل
ويزيد بيها الحزن ليمن هود الليل
وتقول عني سافروا ذيك البهائل
ساقوا ضعينتهم وخلوني حزينه

عمي ضجيع افراش مرمي ابوسط داره
يصفح أكفوفه أسف في ليله ونهاره
وأم البنين اتصيح يا سور العذارى
يابو علي في وين حطيت الضعينه

لو طرشت عباس يخبر بالذي صار
أهون علينا لو تجينا عنكم اخبار
مظلم عليه البيت من دار الى دار
أمشي وكل من شاف حالي اهملت عينه

أوقف على الأبواب واصرخ وين أهلها
محمد يجاوبني الا دمعاتي أهلها

وفاطم تنادي دور اهلنا خلت كلها
من هالسفر ما اظنهم يعودون لينا

ومحمد ينادي يغلمان اسرجوا لي
أما الفرس لو بغلتي لوهي ذلوي
وانچان شجعان الحريبه ريضوا لي
فال السلامه فالنا وترقبونا

من فارقوني علتني كل يوم تزداد
ويهيح حزني انچان دقوا الباب وفاد
وناخوا الرچايب يرقبونك يبو السجاد
شاقول ليهم والعذر ما يقبلونه

وقال سامحه الله تعالى في توديع الهاشميين للحسين (ع) ووصية لآخيه ابن الحنفية

من شان مسافر عن اهله يشيعونه
ومن يحدي الحادي ابطنه يودعونه

ويوم تنوي بوعلي وعزم على الشيل
جاته الهواشم في وداعه امن اول الليل

يقله محمد في وداعه وعبرته اتسيل
روح اليمن شيعة علي وشيعة بنينه

لو طول عمرك يا سنادي تقطع البيد
صنعا ويمن واحجازها ولا اتبايع يزيد
قال العزم بالله قوي يا بن الأماجد
هيهات نخضع للعدى وحيدر أبونا

شورك اهدايه ابحسب فكرك لك ثوابك
لكن انا اموظف ولا اخفي عن جنابك
باروح مكه وارتجي منك اكتابك
تشرح لي اللي صار بعدي في المدينه

هذي وصيه يا عزيزي احتفظ بيها
وبنتي المريضة فاطمة تلتفت ليها
واوصيك بالوفاد لا تبخل عليها
وحاشاك ما تبخل على اليوفد علينا

موجب العاده المجلس اتفتح ابوابه
وتصير عني يا محمد بالنيايه
بيت الكرم والجود محد ما درى به
ولو ينغلق ساعه اشمتوا العدوان بينا

قال احملوني يا لأخو لا يزيد بلواي
أنا مريض وهالوصايا تفتت احشاي
وانچان عني اتروح خل عباس وياي
نتساعد اعلى الضيم لين اتعود لينا

ناداه يا محمد وحيي الله امحياك
ما اظن تخالفني أبد حاشاك حاشاك
عباس شایل بيرقي وانتة الله وياك
ضمه ابصدره امحمد وقبل جبينه

وتوادعوا وياه كل الهاشمين
أطفال ورجال ونسا وجت ام لبنين
تصرخ بنيني الأربعة فدواك يحسين
الله يعودك بالسلامه للمدينه

يقلها استعدي للنياحه والعزيه
ولازم يجيب اخبارنا اغراب المنيه
ينطحن صدري من اطراد الأعوجيه
ورجوعنا من هالسفر لا ترقبينه

وقال في توديع ابن الحنفيه لأخيه الحسين (ع) في خروجه من مكة

ودعتك الله يا بدر هاشم الوضاح
عزمك اتعيد وين يا خامس الأشباح

تطلع من احدود الحرم خايف يصنديد
واليوم ثامن بعد وين اتعيد العيد
باچر الموقف ليش يا نسل الأماجيد
تطلع عن العيد ابمنى وانته المصباح

يا عيد الاضحى في منى بالفرح لا اتعود
شيخ العشيره احسين ما اظنه لك يعود
صان الحرم لا يهتكونه وطلع مطرود
قوض اضعونه وشال وارجت الأبطاح

الى وين هالشيله ابجبل باچر الموقف
نادى لسان الحال لينا اهانك موقف
ميدان عرصه كربلا وقلبي يتلهف
حسره على اللي وازروني ببذل الارواح

يمتى اتلاقيني ببو اسكينه والاقيك
قال ارجع الطيبه وخبرنا لازم يجيك
سل الحزينه فاطمه بنتي وتسليك
ولازم يجيكم خبر شيال العلم طاح

نصبوا المآتم لين شفتوا تغير الكون
واحمرت اكناف السماء والاملاك يبچون
والجان من تحت الأرض لاجلي يضجون
ذاك الوكت راسي امعلى بروس الارماح

واعطيك هالساعه ببو جاسم علامه
شمس النهار اتغيب من نوح اليتامى
ولنهار يشبه ظلمة الليل ابظلامه
والجو مظلم والخلق في حزن وصياح

واعيادكم طول الدهر لا ترقبوها
راياتكم طاحت وزينبكم سبوها
ما راقبوا جدها ولا راعوا أبوها
بس في أمان الله عزكم قوض وراح

وبلسان الحال على ما قيل قال

مر في طريقه كربلا ومن شاف لطناب
والخيل مسروجه وقلبه امن العطش ذاب

حول على اخيام السبط يصرخ يغلمان
قطرة اميه ضيفكم تعبان عطشان
ماحد أجابه ووقف صوب الباب حيران
ولسان حال السبط يحجي ابدمع سجاب

يقله ودمع العين يهمي على الوجنات
انچان تطلب ماي هذا شط لفرات
واحنا العذر الله طفلنا بالعطش مات
وقلبي من افراق الأحبه والعطش ذاب

وحق البتوله وحق ضلعها الي تكسر
لو جنت غير الماي تطلب چان أيسر
طفلي انذبح ظامي وانا قلبي اتفطر
وكلهم ظمايا هالتراهم شيخ وشاب

وكل هالعساكر هالتراها حايطه بي
متحز به كلها عليه اتريد حربي

بس هالذي يمي اهل بيتي وصحبي
نادي أياس او عفر اخدوده بلتراب

سليت روحي من جسدها انتة من اتكون
يقله انا ابن المرتضى هزاز لحصون
والماي مهر امي وكل الخلق يدرون
وانا ابحر العطش جبدي اتفتت وذاب

هلت ادموع الشاب حسره وشقق الجيب
صاح وبجى وفي الحال شقق للمكاتيب
ممنوع ورد الماي حاير بالفضلا اغريب
يابن الوصي المطبور راسه وسط محراب

يقله نعم ممنوع يوم اسمع كلامه
ناداه يا سبط المظلل بالغمامه
ويابن المتوج هامته ابتاج الأمامه
باروح للجنه ابتقدم هلصحاب

عن رخصتك يابو علي بنزل الميدان
صارت الصيحه في الخيم هاجت النسوان
وهناك ابو فاضل تقدم له بالحصان
وباقي الهواشم لازمين اعنان وركاب

داخل الخيمه ههلت ذيج النساءين
يوم سطي ابيفه على اجيوش الملاعين
نال السعاده وانذبح في نصره احسين
وسفه اعلى اشبابه شباب ما بعد شاب

* * * * *

وبلسان الحال قال في خروج حبيب ابن مظاهر من الكوفة

وعبده من وري مردوف	تسنم سهوة احصانه
والمقصد أرض لطفوف	وجدوا السير كل السير
ولاحت ليهم الخيمات	من طبوا نواحيها
فوق اسقوفها الرايات	على ابواب الخيم الاعلام
والله لا كشف الغارات	سمعوا زمجرة عباس
هالساجان لعدي اتشوف	لو يرخصني المظلوم
سالت دمعته امن العين	هالنخوه سمعها احبيب
وسمع في الحال صوت احسين	واترجل عن احصانه
صيروا بالدرب صوبين	هذا احبيب قلبي جاي
خلنا انصير كلنا اصفوف	خلنا نرهب العدوان

ابكفه وحلقها طنت	الاچنها الرايه اهتزت
الهواشم يمه التمت	ومن سرح ذوايبها
وحبيب الي له اتسمت	وكل واحد تمنها
والأنصار كلها تشوف	تناولها ودمعه يسيل
چنه عيد الاضحى صار	صارت هلله وتكبير
عافت أهلها ولديار	فتيه ما اتهاب الموت
مهجة حيدر الكرار	فدوى للسبط لحسين
حايروالدمع مذروف	كلها استبشرت واحبيب
يبچي ويلثم اقدامه	طايح فوق راس السبط
صاح ودب لعمامه	ولمن واجه العباس
عبده ويضع الهامه	وظل يستقبل الأنصار
هلدارت عليك اعكوف	وينشد بوعلي اشهالقوم
ولسوي ابكربلا زعزاع	والله لا طعن برمحي
وعذري ليطحت علقاع	وراسك لا ضرب ابسيفي
بزينب ما عليها اقناع	أموت ولا يكون اسمع
لا اتهابوا نبيل واحتوف	نصروا الدين يهل الدين
الحبيب وقال له احملها	سلم بوعلي الرايه
ابجواهر شالها وفلها	منظومه ذوايبها
وشبه الفضه اسفلها	لون الذهب أعلاها

يطويها وينشرها وزينب في خباها اتشوف
ولمن دخل للفسطاط جايمه علي الاكبر
يعمي عمتي زينب تسلم اعليك يمشكر
فز احبيب دب التاج سالت دمعته وكبر
اشحدي زينب اتسلم عليه اشلي من المعروف

وقال ضاعف الله ثوابه في حفر البئر

كفك يبو الحسنين مو منكوره
بيها دحيت الصخرة المشهورة

أرويت جيشك يا علي ابعدب الماي
يا داحي الصخره العظيمه بهداي
واطفالكم يا بو الحسن يا مولاي
في كربلا ابجر العطش مذعوره

والي الحرم متحير ابرضعانه
وسكنه ابعمها اتصيح انا عطشانه

شمر عن الذرعان شال اردانه
ونار العطش بقلوبهم مسعوره

جد واجتهد عباس راعي الشاره
للبير يحضر والنسا محتاره
تعبه ولا يدرون شنهى الجاره
ابتل الرمل يا فرحته وسروره

بشراك يا سبط النبي الهادي
يا خلف عمري وعزوتي واولادي
جانا الفرج يا ابو علي يسنادي
والحسين في الخيمه يتساطع نوره

نسوان تتصارخ وراها رضعان
تشكي العطش رضعانهم والشبان
تحضر تعاون بو الفضل عالي الشأن
والكل جبده امن العطش مفظوره

يترقبون الماي اجتهم صخره
في وسط ذاك البير سدت حفره
ما تنكسر بالفاس يا هي حسره
ولا عمده عنها ترد مكسوره

ردوا بلهفتهم عطاشى كلهم
محد ترممر في البرايا امثلهم
قامت الصحيه وبو الفضل قال الهم
لازم أطب المشرعه يا حورا

شال العلم بيده وشال القربه
واركب احصانه وللشريعته دربه
وچبده يشيعه امن العطش مضطربه
وفل الكتائب بو الفضل ما غيره

من صاح ظنوا صيحتة نفض الصور
خوف وجزع والسيف بيده مشهور
حاز الشريعته ورجع سالم منصور
والماي جابه بو الفضل والغيره

وتزاحمت لكبار كلها ولصغار
كلهم عطاشا اقلوبهم توقد نار
وانحل لوكا ومقدر أوصف وش صار
صيحة عطاشا ارجالهم في حير

وقال حشره الله مع محمد وآله الأبدال في مصيبة الطفل الرضيع

حير الأفكار سبط المصطفى بمصيبته
لو تشوفه جاي يتلهف وداخل خيمته

شال طفله وركب غوجه وراح به للمعركة
والطفل يعتذر بالغ به العطش للتهلكه
شابح ابعينه وميقدر جفن عينه يحركه
شال عن وجه اقماطه وصاح شوفوا حالت

طفل وش له من جنايه امن العطش رايح يموت
ابقطرة اميه اسمحوا له لا اتخلونه يفون
ناس منهم بالبواحي اشتغلوا وناس اسكوت
حرمله يسدد النبله وفي وريده صابته

خاط ذاك السهم الاقشر منحره واذراع ابوه
وسال دم الولد والوالد دقلي اشحال ابوه
من قطع لقماط وانشب راحتة ابرقبة أبوه
عاد به ملفوف بقماطه اعلى جاري عادته

صاحت اسكينه ببو السجاد خويه وين ارح
انشاء الله اشرب ماي واتوعى اشويه واسترح
قال كاس الموت ضاقه وما احتظى ابماي القراح
لا اتزيدني على اهمومي وتسمع عمته

قام يحفر له ابجفن سيفف على درب الخيام
لا تدوسه الخيل وقت الي يسلبون الايتام
جو يسبرون الأرض الاعداء ابارماح وسهام
طلعوه ابراس حربيه الترب غير وجنته

شالوا برأسه امعلى اعلى الرمح ويا الرؤوس
والجسد خلوه مرمي يصهره حر الشموس
صاحت امه بدر سعدي انخسف واياي انحوس
انچان هذا القول ثابت ياهو تبرد لوعته

وقال في ذكر يحيي بن زكريا وعلي بن الحسين الأكبر (عليهما السلام)

وتعلقت ليلي ابولدها يوم لطفوف
قال السبط خلوه يا ربات لسجوف

واستخرجه من بينهم والدمع مذروف
قال انزل الميدان حي الله امحياك

نلت السعاده يالولد نلت السعاده
هناكم الله يآل هاشم يا حيادي
خير السعاده يالولد نيل الشهاده
أرضيتني وارضيت باري العرش وارضاك

يحيى بلباسه راح للعباد مرتاح
والأكبر اتسنم ظهر لحصان والتاح
هذاك للمسجد وهذا المعركه راح
كلها عباده ووين هذا الخطر من ذاك

هذاك بكتابه مشى وهذا ابسيفه
ويوم نزل للحرب ماخذ أخذ حيفه
عطشان لكن في الحريبه يطيب كيفه
وليلي تودعه تقول يوم الحشر نلقاك

حول شبیه المصطفى الميدان وافتر
والسيف بيده والرمح أدهش العسكر
فرت اصفوف الجيش والمافر تحير
والسبط واقف في الخيم بس عينه اهنالك

يتبسم وعينه تصب الدمع مدار
يتبسم ابصولة شبيه احمد المختار
وعينه تسيل ادموعها ما عنده أنصار
وئلى تقله أنجان راح الولد يفتاك

تفتاك كل ارواحنا يا عصمة الدين
قال ادخلي الخيمة استعدي للبچا زين
دخلت الخيمة اتصيح واحزني على احسين
سمعت ولدها يصيح يابه الله وياك

اتمنيت لو حيدر حضر لابنه يشوفه
طالع من الخيمة بعجل يصفح اكفره
ويصيح راح الولد وين امه العطوفه
اتشوفه ابيا حاله وقع في المعركه اهناك

قامت الصيحه انخمشت من اللطم لخدود
والحسين من شاف الولد بالترب ممدود
جابه وابو امحمد أخوه ابنفسه يجود
ابضجة اخيامه بو علي اتعطلت لفلاك

وقال تقبل الله منه في مصيبة يحيى والحسين (عليهما السلام)

شالوا براسه وجثته خلوها
ظلت ثلثت ايام ما واروها

وجثة غريب الغاضريه ظلت
فوق الوطيه والوديعه انذلت
دولة أهاليها انطوت واقتلت
ما جان دروا عنها ولا عرفوها

وقضت على التل الوديعه اتنادي
يا قوم هذا احسين شبل الهادي
وانتوا ذبحتونه وحرقتوا فادي
يا غيرة الله اجنازته واروها

يحيى ثلثت ايام ظل امجدل
ابثيا به امزمل ولا هو امغسل
ولحسين لولا الباريه ما حصل
ساتر يستره بزته سلبوها

يحيى نبي الله وقضت خيله
ما جان مبلي ابنسوه اولاه عيله
ولحسين مهره من وقف دنواله
كم من فرس ما سارت وخلوها

صارت الجوله وطنبوا شبانه
كل الخيم وتلايمت عدوانه
وثار الحرب واتروعت نسوانه
وتالي الأمر كل الخيم حرقوها

وقال هياء الله له اسباب الخير بخدمته للمخصوصين بأية التظهير

سر الألف ألف أبو ابراهيم دينه
والبا بناء المرتضى الهادي وبنينه
والتا تقصدهم دهرهم بالنوائب
والثا ثووا فتيانهم فوق الترائب
والجيم جار الدهر فيهم بالمصائب
والحا حرائرهم سباها ابن اللعينه

والخا خبا المظلوم شبوا فيه نيران
والدال داروا بالعليل اصفوف عدوان
والذال ذلت عقت عزها اشيوخ عدنان
والرا ربائب خدر سارت في الضعينه

والزاي زودها الحزن ضيم وفجيعة
من شافت العباس كفينه قطيعه
والحسين صدره امروض وشافت رضيعه
صاحت طفل بالله اشذنبه ذابحينه

والسين ساق ابها الضمن زجر وخوله
والشين شافت في سفرها كل مذله
والصاد صيرها الدهر بالنوح ثكلى
ليل ونهار اتصيح ذاك العز وينه

والضاد ضرب السوط ما بقى الها حال
فوق الهزل ويلاه لا حامي ولا اضلال
والطا طوائف كل نواحي الشام الاندال
تضحك تقول اليوم صار الغلب لينا

والظا ظفر بيها الدهر وامست ذليله
جيش السמידع بوعلي الحامي دخليه

ما ظل منهم عقب عينه الا عليه
أصبح مريض وغلوا شماله ويمينه

والعين عين الله علي ما اغمضت عيناه
في هيئته يحرس اعياله ويرهب اعداه
والغين من غاب البدر لنجوم وياه
غابت وظلت حايره الحورا وحزينه

والفا فناهم يوم عاشر شهر عاشور
جور الدهر الاقشر ألف وسفه اعلى البدور
والقاف قفري بالمدينه ظلت الدور
والكاف كفنهم عبير الريح زينه

واللام لاحت في العوالم هالمصبيه
والميم ميمون السبط عاد ابنجبيه
والنون نسوه ابلا ولي باتت غريبه
والواو ونها يهلنا سلبونا

والها هواشم هشمتها ابدوسها الخيل
واللام ألف واليا انختم بيها التفصيل
ياليلة أحد عشر حريم ابلا رجاويل
باتت وواليتها علي زايد ونينه

وبلسان الحال قال

حيدر أدري بيك ما تحمل اعتاب
مدري اشحل بيك يا داحي الباب

زينب اتناديك ما لبيتها
الأعدى هجموا اعلى ابوتها
قلي اشعذك اونته انسيتها
وافضه اباب الخبابين لجناب

ليلة أحد عشر اشد ليله عليك
فعله الجمال ما تخفى عليك
قطع كفين السبط قلي اشبديك
ما خديت الثار يا داحي الباب

طبوا الصيوان طلوعوا بالسلب
واليتامى اسود متنها امن الضرب
والمصونه اتصبح يا سبع الحرب
من يرد زجر الغنا وشمر الضباب

ما دريت خيامكم حرقوها
يا علي ونسوانكم سلبوها

عنكم الحود القبر شقوها
تكسر الخاطر اسكينه والرباب

وقال في ك كلمات بني تميم البرصديين
للنهشلي (رض) لما دعاهم لنصرة
ابي عبد الله الحسين (عليه السلام)

يا ألف حى ومرحبا ابشورك يصنديد
وياك نمشي ابخدمة الساده الأماجيد
هيهات ما ندخل أبد في بيعة ايزيد
بيعة علي نوفي ابها في نصرة احسين
يمتى العزم بتسير حتى احنا انتجز
قال العزم بالله قوي يا موته العز
في نصرة ابن المصطفى وما أحد يبرز
قبلي وعساها اتعود بالعز راية الدين

وتكلمت بنو سعد

من هالحجي ذابت يبو خالد الأكباد
تدري ابنا شيعه وموالي لبو السجاد

وانته فخرنا وفخرك ابهذا الحجى ازداد
واحنا افتخر نا ابدعوتك جينا املبين

نشر اعلامك بالعجل وانصر الهادي
وشوف السبط حط الضعينه ابأى وادي
ناخذ الفرصة قبل تفرص به الأعادي
نفديه بالأرواح والأبءاء ولبنين

في نصرته نصرة نبي الله المختار
والمرتضى الكرار حيدر حامى الجار
والحسن والزهراء البتوله أم الاطهار
كلهم شفاعتهم ذخيرة للمحبين

وقال في تأسف النهشلي على فوات نصرة الحسين (عليه السلام)

حط العزية النهشلي ونكس اعلامه
عض الأنامل ما احتظى ابنصرة امامه

ليله ونهاره يصيح واحزني على احسين
مفرد بليا امعين حاطت به الملاعين

لو ساعد الحظ چان سرنا قبل يومين
وانچان فزنا ابنصرتنه ونلنا الكرامه

جمعت جيشي بالمحبه والنصيحه
وتالي الأمر فات السهم يا هي فضيحه
والله لقضي العمر في ضجة وصيحه
حطي قعد بي وفازت احيود ونشامي

جانا الخبر واقتل عزمنا واندهشنا
وياليتنا قبل الخبر لا چان عشنا
يا سورنا العالي ويا هامة عرشنا
جيشي رجع بالحزن منكوسه اعلامه

لو ساعد الحظ چان ماجا الخبر لينا
واحنا ببلدنا انچان بالسرعه مشينا
للمعركه في كربلا وكلنا انفيننا
في امدافع العدو ان لا تحرق اخيامه

حظي لا شهرت اسنان لا سيف
في نصرتك يا بوعلي يا مقري الضيف
يا حجة الله وكعبته يا مسجد الخيف
يمضيف الأضياف يا سور الأيامي

يقولون خيمتكم يبو اسكينه احرقوها
يقولون نسوتكم يبو الغيره اسلبوها
ولخدره زينب عقب لخدر سبوها
بيرق الاسلام انطوى وطاحت اعلامه

امصابك يبو السجاد هز اكناف طيبه
وجدك ابقبره وفي القبر زايد نحيبه
يا بني ذبيح وزينب الحورا سليبه
وأملك قمصيك تنشره يوم القيامه

طول الدهر تبكي عليك ادمع مذروف
واتقول ذابت مهجتي من يوم لطفوف
حزوا كفوفك يالولد وعيوني اتشوف
ليلة أحد عشر واسمع اصوات اليتامى

زينب اتسليهم ولا تنفع السلوه
عيشه عقب عينك أبد ما اتصير حلوه
الكعبه والصفاء وتبجي المروه
سبط الرسول الظللت راسه الغمامه

وقال رضي الله عنه وارضاه في مصيبة اولاد
مسلم بن عقيل (ع) حالة كونهما في سجن اللعين ابن زياد

يا سجان سو معروف
عتره أحمد المختار
جدنا حيدر الكرار
ما ترحم يتمنا أصغار
واحنا اسلالة الأطهار
في حبسك هلكننا الجوع
ظل يقبل الطفلين
طيب زادهم في الحين
فك القيد عن الاثنين
متأسف على الي صار
ساروا في ظلام الليل
ويوم انتشر خيط النور
ظاهر قال يمطهر
نور الفجر واضح زين
لاح الهم رسم بستان
صلوا بالعجل وهناك
صاروا في غصنها ونو

فكنا من الأسر والقيد
تسجنها وتطيع ايزيد
والخال الحسن واحسين
ما تعرف نسبنا امنين
والي شيدوا للدين
فكنا امن الحبس والقيد
وعيونته تهل ادموع
وتأوه شبه ملسوع
شيعهم وعاد ارجوع
يلطم هامته بالأيد
وراحوا يقطعون البر
وانظر نوره الأزهر
يخويه حان المقدر
عنا الفرج ما هو ابعيد
خالي وفيه بركة ماي
دوحه ومشرفه اعلى الماي
رهم شبه البدر في الماي

يلمع والحشا امن الخوف اجت للماي بالمیضاة
اجت للماي بالمیضاة من شافت عمود النور
من شافت عمود النور وقالت يا هلا بيك
وقالت يا هلا بيك تسایل عمتي عنك
تسايل عمتي عنك اجوا للبيت وياها
اجوا للبيت وياها شدة خوف شدة جوع
شدة خوف شدة جوع وكل لحزان عمتها
وكل لحزان عمتها أعطتها الخلع وتقول
أعطتها الخلع وتقول بس كتمي الخبر ليكون
بس كتمي الخبر ليكون عندنا ويهجمون البيت
عندنا ويهجمون البيت راحت تخدم الطفلين
راحت تخدم الطفلين لكن حان المقدر
لكن حان المقدر طب البيت رب البيت
طب البيت رب البيت ظل يحوم وسط الدار
ظل يحوم وسط الدار ما ظنوه يبغضهم
ما ظنوه يبغضهم خلاهم نيام وقام
خلاهم نيام وقام كلما اتشفعت فيهم
كلما اتشفعت فيهم أیتام وغرب واصغار
أیتام وغرب واصغار هذا وتدعي الاسلام
هذا وتدعي الاسلام رد ليها ولطمها وصاح
رد ليها ولطمها وصاح

يتامى والكفيل الله	خلنا انروح عن بيتك
صمك جدنا رسول الله	ولا تحمل وزرنا يخا
غصب والمشتكى لله	قام ابجمل كتفهم
بيده وراح طوع ايزيد	جرهم للذبح والسيف
والغايه الطمع في المال	طوع ايزيد وابن ازياد
عيب اضيوفنا واطفال	عبده شرد وابنه قال
قاموا توادعوا في الحال	قام النذل سل السيف
يا وسفه الأسف ما يفيد	طارت روسهم بالسيف
طول الدهر ما يبرى	ما يبرى الجرح هيهات
ظل مرمي على الغبرى	جى يبرى وسفير احسين
واما الداھيه الكبرى	وشبليته بالمسيب
أوصاله غدت تبديد	ابدوس الخيل صدر احسين

* * * * *

وقال ايضا في ذلك

يقله ليش تلظمني على ويش
عقب مسلم أنا اتمنيت لا اعيش
أظنك خايفنا انجيش الجيش
عليكم لا تخاف اتحطم الجيش

برض لطفوف رايتنا اناضت

عجوزك ضيفتنا وتعرف الحال

يتامى ابلا ولي والدهر ميال

يليت امن المدينه السبط لا شال

ولا في كربلا اتعفر بالأرمال

ولا دولة بني هاشم افلتت

قعد من غفوته امطهر ينادي

يخويه اشبيك تبجي يا سنادي

يقله استولت اعلينا الأعادي

وظليت انتخي بهلي وانادي

يخويه دمعتي امن النوح جفت

وعقب ما كتف الطفلين ما نام

يراقبهم اسويعه ومسرع وقام

يسبهم واللطم علوجن والهام

ومن عقب الفجر جا وضيق الثام

مثل خايف ابعينينه ايتاضت

وعلى جرف المسيب وصل ابهم
نوب يلطم ونوب يسبهم
ذبحهم ويح قلبي ومثل ابهم
خذ الراسين والجسمين دبههم
على الشاطي ولجلهم قلبي انفت

* * * * *

وله ايضا على ما قيل من ان علي بن مسلم
دخل على المختار فاكرمه المختار وردة الى المدينة المنورة

طب المدينة شبل مسلم ابالمذله
ينشد عن اهله والولد يعرف محله

شاف المنازل خاليه من ذيج الأبطال
فيها النسا اتحط العزیه وتشرح الحال
وبباب زين العابدين اتلهف وقال
وينك يبو محمد شملنا الدهر فله

يابو محمد راح عز الهاشميين
من طاح بيرقنا وشالوا ابراس الحسين

يا ليتني مطروح يم ذيح المطاعين
فوز وشهاده ولا عشت في هالمذله

خوف وهظيمه وجوع بس من يظلم الليل
أوقف على الأبواب حاير دمعتي اتسيل
لفراق ذوب مهجتي يا بن البهائل
طالت المده وبالهظم زادت العله

شالوا بكم والروس جدام الضعينه
وكلما يمرون ببلد صارت الزينه
ربات لخدور انسبت والأهل وينه
عقب الهواشم صارت ابولية خوله

دولة بني هاشم طوتها وقعة الطف
واحرिमهم راحن سبايا فوق عجف
وابقيت انا في غربتي شبه المجتف
محتار دمعي فوق وجناتي أهله

ما حد عرفني غير في مجلس المختار
يوم عرفته صدق رايح يا خذ الثار
خبرته باسمي وعن بعض الذي صار
ذب العمامه وصاح خل الخبر خله

جانا الخبر حتى الرضيع ابسهم صابوه
وصدر الشريعة بوعلي بالخيل داسوه
وابنه علي السجاد للشامات ودوه
سلم عليه الثار نستوفيه كله

صارت الضجة بالمدينه وقام لصياح
ببوق الأسلام انكسر في كربلا وطاح
في وين نرحل من عقب خامس الأشباح
حامى الشريعة بوعلي وحارس المله

وله ايضا في هذا المنوال

يقله لسان الحال في الكوفه مشفناك
وفي مجلس ابن ازياد لبيتك حاضر اهنالك
ليتك شفطنا اتشمتت بينا الدعايا
من جات حرات النبي الهادي سبايا
في مجلس ابن ازياد دخلونا هدايا
وراس الشهيد ابطشت والحاله متخفاك

بالخيزرانه يضربه الفاجر الملعون
ويقول خل اهلك يا بن حيدر لك يجون
حتى الضياغم من بني هاشم يشوفون
هذا القضيب اشلون يلعب في ثناياك
جسمك رميه ابكربلا وتدوسه الخيل
واحر يمكم بعد الخدر فوق المهازيل
رايتكم انحطت بعد ياهو الها يشيل
زينب سبيناهها عقبكم سبي الاتراك
خبر يبويه اندفن مسلم والدك وين
وانچان ماتدري اسمع مني الخبر زين
يم مسجد الكوفه ومدفن خالك أحسين
في كربلا وفتيان هاشم كلهم اهنالك
من عقب ما ظلوا رميه ابجر الارمال
صرعى بليا روس لا حامي ولا اضلال
في يوم ثالث دفنتهم والدمع سال
جتني اتساعدني جماعه غير الاملاك
لكن بلا تغسيل واحزني عليهم
والأمر الله اشسوت العدو ان بيهم
رديت للمحلبس وانا اتلهف عليهم
من عقب ما ناديب يابه الله وياك

وقال وفقه الله في مجيء بني اسد (رض) لأجساد القتلى

اسم الله اعلى بو اسكينه
اسم الله على بو اسكينه
جسمه يرضونه
اسم الله على بو اسكينه
اسم الله اعلى بو السجاد
اسم الله اعلى بو السجاد
مرمي بلياً وساد
عدنان في وينه
مطروح في حر الهجيره
امهـب ره اوصالـه

وانصار دين الله عن
يمينه وعن شماله
لو چان ابو الحسنين حا
ضر غسله وشاله
لازم تسووا له قبر
يهلي وتدفنونه

من وصلوا صبوب الشريعة وشافوا العباس
مطروح فوق المشرع

چثه بليسا راس
تاه العقل منهم ابدشه وضافت الأنفاس
رادوا يدفنونه ولا
كن ما يعرفونه

راحوا بلهفته ورا
هم تمشي النسوان
شافوا الجثث المطرحه
لكهول والشبان
كلها بلا روس وبلا
غسل وبليسا أكضان
وامسك فايح من مصا
رعهم يشومونه

قالوا بندفنههم كرا
مه للنبي المختار
لو ننفني بالسيف فد
وى الحيدر الكرار
شافوا ولن البر كله ممتلي بالانور

من جهة السجاد
يمشي وتدمع اعيونه

وصل أمرهم بالذي
راده وحضر لقبور
قالوا من انتة مارأينا
مثل نورك نور
جينا ابندفن هالضحاً
يا يا بدر لبدر
حن وتلف ويح
قلبي وصفج كفينه

وقال في مجيء زين العابدين لدفن القتلى (ع)

من وصل للغاضريه ازداد همه والحزن
شاف ابوه امقطعه اوصاله طريح بلا كفن

راح جاب الكف الايمن خاليه من خنصره
راح للخنصر يدوره شاف چبده امهبره

جمع اوصال الجسد لمهبره ولمكسره
لف عليه الباريه صارت له توبوت وكفن

نزله في الحفرة الطيبه جسد من غير راس
عقب ما صلى عليه وقبله وصعد انفاس
قال يابه انطحن جسمك من حوافر هالافراس
لكن احييت الفرائض والنوافل والسنن

ذبحتك شعاء عجيبه ما جرى امثلها ولصار
مثلوا بك يا عزيزي وفي الخيم شبوا النار
سيرونا اعلى الهوازل شهرونا في الامصار
يضرب ابن ازياذ راسك والنسا تبجي وترن

يا جماعه ساعدوني وادفنوا هذا الغريب
شبل طه وفاطم الزهراء النجيب ابن النجيب
صاحب الهيبة العليه وصاحب الرحل النهيب
بالمساحي اعلى القبر زفوا الترب فوق اللبن

عقب دفنه راح للمسناة وادموعه تهل
صاح يا عمي قضيت الفرض كله والنفل
وين كفينك يعمي اشعبتني يا بو الفضل
دفن عمه وقعد عنده يجذب الونه ويحن

دفن الأنصار ما خلى قريب اولا غريب
يخبر الأعوان باسماهم ويشتد النحيب
قالوا اخبرنا عن اسمك چنك انتة الهم نسيب
قال انا ابن احسين لمشرد عن اهله والوطن

قالوا الله يعظم اجرک ما درينا امنين جيت
قال من محبس الكوفه خلقت أهلي وجيت
والمصيبة ليرحت اليهم وقالوا امنين جيت
خائف اخبرهم يزيدوني على حزني حزن

* * * * *

وقال في رجوع زين العابدين الى المحبس بالكوفه وخطاب العقيلة له

أريد انشدك يالدفنت احسين خبرني
بالله نشد خويه وسئل لو ما نشد عني
يا حجة الرحمن

بالله سليت النبل والزان من جسمه
وسليت سهم البلقلب واسقيت اخويه ماء

لو هو اندفن عطشان

يالي دفنت احسين غسلته او كفته

لو هو بلا تغسيل بس بالدم زملمته

يا حجة الرحمن

يقلها يعمه غسل اخوچ احسين دمع العين

وفي باريه لفيت جسمه ليتج تشوفين

صارت عوض الاكضان

نادت وياهو الي لفي ابكافوره اوسدره

ومن شال تابوته وياهو الشيعة القبوره

من هاشم وعدنان

يقلها يزينب ما احتظى ابسدر ولا كافور

لا احلف يمينا ابصدره الحاوي العلم والنور

نعشه سنان اسنان

وقال برأه الله تعالى من المعائب بناء على تقدير صحة ما قيل والله العالم بالصواب

انجان يا بني صدق زينب بلبس اثياب المصاب
قال والله وحق ابوها ومن شفتها القلب ذاب

أجل يا بني خلنا نغدي نسائلها اشلون
اجت للشامات حسرى وين جاسم وين عون
وين عباس الغضنفر وين لكبر ما يجون
قال بحلف لك ابجدها للوجه كفها نقاب

اجت تمشي والولد يمشي ويلطم هامته
يوم صاروا في غمار الناس زينب شافته
قالت اهلا بها لشباب الجاي لينا ونادته
ليش ماجبتون ليه اخمار ماچنكم احباب

لزمتم المحمل ونادت والدمع منها يسبح
خبريني وين ابو اسكينه الخبر منج صحيح
قالت ابجانب الشاطي فارقت جسمه طريح
شيبته في رأس اسمر والدم صاير اخصاب

شبحت العينين صوب الراس والمدمع ذروف
صاح بيها لسان حاله اليوم جيناكم اضيوف
كل ضعيتتنا أهلكم چان ربات لسجوف
والدهر خوان شوفي جت بليا اردا الرباب

وله في مصيبة فاطمة الصغرى (ع) في موتها بالخرابه في الشام

جارت الدنيا على اهل البيت بالذل والأهانه
عتره الهادي وآل المصطفى واهل الديانه

كم شريف عن وطن جده انطرد مايندرى به
وكم غصن بان انقصف بالسيف وسفه اعلى شبابه
وظفلة المظلوم ماتت في السبا بذيج الخرابه
شافت راس ابوها امهشمه الخيزرانه

صوت واحد رجت ارض الشام من جابوه ليها
في الطشت جابه عدو الله وحطه بين ايديها

راحت اتقبله وتشمه وفارقت حزني عليها
من يغسلها غريبه وصايره ابذل واهانه

من اجتها الغاسله ورادت تغسلها اندهشت
جسد طفله و بنت اماره امجرح بالاسياط ضجت
ما تخبروني ابجناية هالشريفه الي انذلت
غسلتها وظل ابو امحمد يدق رأسه ببنانه

كفنتها وشيعتها للقبر نسوه ویتامی
وين عزوتها وعشيرتها وهو اشمها النشامي
ليت ابو الحسين حاضر عالقبر ينصب علامه
ينتضي سيفه ويهزه وبالعجل يركب احصانه

يهدم الشامات كلها وياخذ ابثار الضحايا
ثار ابو السجاد والي اتذبحوا كلهم ظمايا
وثار لمصفا على كور الجمل ويا السبايا
كم بلد كم سوق كم مجلس وكم ذله واهانه

* * * * *

وقال في فضل زيارة الحسين الشهيد (ع)

من راد يسلم من جميع الآلام
يتمسح ابتربة شهيد الأسلام

صلح جوازك بالأخو خلنا نروح
في كر بلا انزور الغريب المذبوح
شالوا براسه والجسد ظل مطروح
حر الهجيره يصهره اثلث أيام

ما راقبوا جده شفيح الأمه
ذبحوه ظامي والغسل من دم
زينب اتنادي المصطفى وتحشمه
وتلطم على خدها وتدق فوق الهام

ليتج يزهره احسينج اتشوفينه
بالأعوجيه جسمه يرضونه
وابنه علي امريض ولا يرحمونه
والسوط يلعب في امتون الأيتام

فاز اليزوره يوم عاشر عاشور
ويساعد الزوار في دق لصدور
ويقول يابو احسين بابنك مأجور
الله يعظم لك الاجر يا ضرغام

والي يوصل للضريح يقبله
مشفوع له ويشفع بعد في اهله

لاجل الذي ذبحوا بحجره طفله
بعده رضيع وفاطمينه بالسهام

يا كربلا حزتي الفخر بالشبان
يا كربلا حزتي الفخر بالشجعان
كلهم حويتي اشيوخهم والرضعان
وتفهدت نسوانهم من الخيام

وله في رجوع اهل البيت عليهم السلام من الشام الى كربلاء

من كربلا سافرنا وللشام رحنا وجينا
يا بني علي لا تغفل ودنا القبر والينا

يا بني دفنته وينه في المعركه لوشلته
عن مصرعه وغسلته لو بالدماء زملته
يقلها ابدماه امزمل في باريه كفته
وقبره قريب منج هالساع بتشوفينه

قبره تشع انواره طول الدهر يا عمه
ما تنقطع زواره وشيبه خضيب ابدمه
هالساع بدفن رأسه في حفرته باضمه
ويا الجسد لمطهر هالساع بتزورينه

ناخوا الركائب كلها ولطفوف كلها ارتجت
ضجة يتامى ونسوه اهتز العرش من ضجت
واهل السواد التموا بس الوديعه من جت
صاحت كفيلى وينك زوار ما اتحاجينا

يابني علي طوف ابنا يم القبر بنزوره
جابر سمع صيحتها ونادي اظنها الحورا
من يقدر يحاجيها ثكلى ولفت مأسوره
فاتت علينا النصره ولزيارته اتعينا

السجاد وصل عنده وتحاضنوا بالأيدي
ويقول له يا عمي الأغلال حزت زندي
كل العشيره اتدبحت وابقيت انا بس وحدي
في كربلا وسافرنا وللشام رحنا وجينا

وين الشجاع امحمد قالوا ضجيع افراشه
جاله الخبر وتلهف وابقى ضجيع افراشه

لولا المرض ما يقعد حاشا امحمد حاشا
لكن مرض وامصيبه ما نسمع الا اونينه

* * * * *

وله رضي الله عنه يوم وصولهم الى كربلاء

امن الشام جينا انزوركم
يهل الفخ والشيمه

يوم وصلنا اقبوركم
يهلي بنصب خيمه

ننصب عزاكم فيها
ما قصرت هالوقعه

امن ارض المدينه شلنا
وقلوبنا منصده

ومتحيره في أمري
للوطن كيف الرجعه

يا بني علي ساعدني
أول بننصب خيمه

يقاها حميتي جبدي
من هالحجي يا عمه
شمل الشريعه اتبدد
أسئل من الله يلمه
أرض شريفه وطيبها
بطيب السبط وبدمه
نصبي العزيزه فيها
ابهاالساع ن نصب خيمه
فيها نزل والينا
وفيها حفرنا قبره
وقبر الشهيد الأكبر
والي انذبح في حجره
والأكثر امن انصارنا
كلهم حوتهم حفره
الا حبيب وعمي
والحر راعي الشيمه
الحر التميمي ابكربلا
مدفون لكن نازح

عن هالحفيره وما انتزح
يوم الفزع والصايح
جاهد بذل نفسه ووقع
يم الحريبه طايح
نال الفخر باع العمر
باعه اباريح قيمه
وساقي عطاشى كربلا
الأعداء اقطعوا كفينه
شلته ودفنته اعلى النهر
ياليتج اتشوفين
قالت تودوني ابجمل
باشوف قبره وين
أول بسلم عالشهيدي
احسين الف تسليمه
دارت على أقبور الأهل
تبجي وتجر ونتها
وظاحت على قبر السبط
واتناولت تحفتها

تربه من اتراب القبر
تهدي ابها الجيرتها
وصاحت يقايد ناقتى
يابو الفضل والشيمه
شاقول الى امك لو تلق
تنا ونشدك عن
مو عيب اقول الها اختلف
وعندك وأفند عنك
حاشاك ما شفنا الا كل
خير وجلاله منك
شيال بيرقنا وحا
ميننا وعمود الخيمه

وقال في وصولهم للمدينة المنورة

من وصلوا الأرض المدينه ارتفع لصياح
شيخ العشيره اتلاقضوا رأسه بالارماح

من وصلت الحورا تلتقتها ام البنين
وصاحت يبنت المرتضى خبري عن احسين
يوم انصرع بو الفضل واقف بو علي وين
قالت وقف محتار يصفج راح ابراح

انچان جيتي تشديني عن بنيچ
الله يعظم لچ الاجر الله يعينچ
ما قصروا نصبي العزا بيني وبينچ
نبجي عليهم والعزيه لطم وصياح

يم البنين الأربعة أجرچ على الله
كلهم تفتانوا دون اخوهم حجة الله
ساقى العطاشى انفضخ راسه ابعمد والله
صاح السببط ظهري انكسر راعي العلم طاح

يم البنين الأربعة لیتچ نظرتين
حال الوديعه وحال اخوها الضيغم احسين
في مصرع العباس حاير ماله امعين
من صاح ظهري انكسر ماجت ذيك لبطاح

يم البنين الأربعة امحمد جفانا
ما شال بيرق في بني هاشم وجانا

لوما جفانا حرك اضعونه ورانا
قاعد ابداره ودمعه اعلى الوجن سفاح

يم البنين الأربعة ما اتجاوبيني
عن هالأخو وش علتة ما تخبريني
لازم يصير اعتاب ما بينه وبينني
ولو كان عز الدهر عنا قوض وراح

يم البنين الأربعة الحريبه سبع الحريبه
قدم اخوانه ونصح في نصرة حبيه
فل الكتائب بو الفضل صاحب الهييه
لكن يوسف انفضخ راسه والعلم طاح

قالت تبشريني يزيب عن أولادي
نالوا السعاده اشحال شمامة الهادي
قالت ييمه اوحييد ما بين الأعادي
ما بين نشاب ونبيل واسيوف وارماح

وقال ايده وحماه في ذكر الرباب وحزنها على سيد الشهداء

لو لبست اجلود الظبا وهامت بالبرور
والله متنلام الرباب امفارقه نور

نور النبوه ابدارها يزهي ويلمع
من وجه ابو السجاد لحسين السמידع
ولنها تشوفه بالطشت وانواره اتشع
وكلما انضرب بالخيزرانه اتساطع النور

صاحت هظيمه وليتها عميت اعيوني
ولا شفت هالحال الجرى يحجاب صوني
شاقول لورحت المدينه وسايلوني
ولمن اجت لارض المدينه عافت الدور

نادت على الجصاص شلع سقف هالدار
قصدي بقضي العمر فيها ليل ونهار
وانصب عزاء المظلوم شمامة المختار
واهتف بأسمه يا ضحة يوم عاشور

دار تضمنني اوياءك شالعا سقفاها
والشافها بالأمس هالسا ما يعرفها
وبنتك اسكينه انخفض بالذله طرفها
وافتل شملها من عقب عينك يمرور

ما طال ليها العمر من عقب الولي احسين
عاشت سنه ابهالدار تسعدها النساءين
تهمل دمعا ويوم جفت دمعة العين
تشرب سويق انجان تنور الحشا يضور

وتقول عقبك لاهنا لي يبو السجاد
مطعوم لا مشروب لا نومه على اوساد
ذبحوك ظامي وعفروك ابجر الاوهاد
شالوا براسك والجسد علقاع معفور

هل كيف انا اتهنى ابليذ النوم بعدك
لو بارد الما وبالعطش مفتوت چبدك
تدري الرباب اعلى العهد ما اتخون عهدك
كل من خطبني انطرده بالخيبات مدحور

كلما ذكرتك حاضن ابنك فوق صدرك
عطشان مفظوم ابسهم لله صبرك

فتيت جبدي يوم حز الشمر نحرك
ماجت أراضيها وسماها كادت اتمور

* * * * *

وقال ايضا فيما يتعلق بذكر الرباب زوجة الحسين (ع)

نوح الرباب اعلى الشهيد يفت لصخور
في دارها ابليا سقف والدمع منشور

تذكر زمان فيه عاشت قوض وراح
عاشت عزيزه في زمن خامس الأشباح
واليوم مال الدهر بيها وتصفج الراح
ما قصرت يابو علي أيام عاشور

مطروح جسمك في اطفوف الغاضريه
شفته ترضه بالحوافر الاعوجيه
فرقائك يابن المصطفى صعب عليه
اعذرني وحقك سافرت ما عندي اشعور

حرمه وغريبه وضايعه بعدك يسردال
دهري رمانى وطود عزي اتزلز ومال
من يوم عاينتك طريح أبحر الارمال
ماقط هنى لي عيش من بعدك يمبور

شعلت سقف الدار من جيت المدينه
تصهرني الشمس اوتجي يمي اسكينه
وكل من يلوم انقول فارقنا ولىنا
في حومة الميدان عاري أبحر لصخور

رأسه معانا والجسد مرضوض بالخيلى
مسلوب درعه وخاتمه ومن غير تغسيل
ما قصروا فيه الأعادي ليهم الويل
ماله قبر ماله كفن ما حصل كافور

وحق شيبك المخضوب ما ضمنى سقف بيت
أبدا ولانى اتزوجيت ولا تهنيت
لو چان خلونى ابفكري انچان ظليت
أبكي عليك ابكربلا يا بدر لبدور

وقال في شان الحورا زينب ووفاتها (ع)

معزيا للزهراء

قومي يزهراء اليوم يالمحزونہ

نصبي العزا اعلى زينب المصيونه

نصبي العزيه ابر وضنچ في الجنه

عدي مصائبها وجري الونه

كعبة رزايا اتحملت كل محنه

وماتت غريبه امشرده ومغبونه

أول عمرها امدلله ونذلت

أول مصيبه فوق راسچ حلت

موت النبي وكلما انتحبتني ظلت

تبچي وتنادي راح جدي وينه

شافت على الباب العدو وج ناره

وانلطم خدچ والوصي في داره

ومحسن سقط وشجرمته وشكاره

صاحت عقب جدي العدي ذلونا

دوبچ تسليها ولا تتسلى

ليل ونهار ادموعها منهلہ

وموتج نحلها واصبحت معتله
وتدري ابلواته حيدر يچتلونه
وياه راحت سافرت للکوفه
ويدرون عنها بالخدر موصوفه

کل من تمنى هالخدر بتشوفه
بالأذن تدخل خاضعه وممنونه
عزها ابحياة المرتضى بوجوده
ويوم انطبر راس الوصي بسجوده

اتمنت قبل يومه غدت مفقوده
وتقول لیت البين جاني دونه
اتمنيت يا زهراء حضرتي ليها
في هالمصائب والبلا تواسيها

عاشت حزينه من عقب واليها
وموت الحسن مسموم ما تنسونه
واعظم فجيعة ابكربلا وقفتها
عالتل تنادي والعدى حاطتها

ذبحوا أهلها وفرهدوا خيمتها
وشافت جسد بو سكينه يرضونه

وتسيرت فوق الهزل للكوفه
وكل المحامل لا وطأ ومكشوفه

وابنچ علي السجاد غلوا كفوفه
وعقب السبا للوطن جت مغبونه
وفي وطن جدها ليتهاهم خلوها
تنصب عزيتها ولا طردوها

بنت الشرف والجود ما عرفوها
وعزم ابن جعفر يحث اضعونه
خائف عليها وراح يم ضيعاته
خاف المجاعه وشال كل عيلاته

وصل بساتينه ونصب خيماته
وتمرضت لمخدره الميمونه
حزن وسفر وتذكرت ذلتها
في الشام مسبيه عقب عزوتها

وتزفرت ويلى وجرت دمعتها
والروح فاضت غاب حيدر وينه
وينك يحيدر ما حضرت الحورا
الهسا يحيدر رايتك مكسوره

يمتى نشوف اعلامكم منشوره
في كف ابو صالح يفرج لينا

وقال على ما قيل والله العالم بالصواب

وكلما يجره اعلى الصعيد اتعضر وصاح
مالي جنايه وين جدي شيخ الابطاح

في وين ابو الحسنين عني هالوكت راح
وينك يجدي يا علي تحضر لي اليوم
وكلما انتخى ذاك الولد باهله وجده
ردله ورفع چفه يلطمه فوق خده

شافه وحيد امن العشيره محد عنده
في وين عنه عزوته هاشم ومخزوم
وصاح الولد به انجان كل اهلي جفوني
باودع امي من قبل ما تذبحوني

وحق جدي المختار مالها ولد دوني
خلني بودعها وتودعني يمشوم

فلما سمعت صوته امه خرجت

وامه من المأتم اجأة له لابسه اسواد
شافت ولدها مترب يقوده الجلاد
قالت أجل واسيت جدك زين العباد
ودعتك الله ما انتلاقى بعد هاليوم
واحت عليه اتقبله ابخده وجبينه
وتقول يا بني بلغ الزهراء الأمينه
وقلها ترى احنا عن المأتم مانعينا
ودعتك الله روح في اضمانة المظلوم

* * * * *

وقال اطل الله بقاءه في رثاء الأمام علي بن الحسين عليه السلام

ضجت عليه ارض المدينه اشمال ويمين
واضيعة الأيتام واضييم المساكين
ياللي تغسله ابهون ساقه حزه القيد
والجامعه تدري ثقيله وشيلها امجيد

والسلسله فوق الصدر تبهض الصنديد
كيف العليل يشيلها ومغلول ليدين

بس الله الله يالتغسله ايكون بهداي
من فارق اهله ماتهنى ابشربة الماي
ولفراق ذوب مهجته ياهو ابتلى ابهاي
فوق الجمل محمول وامقيد الرجلين

تفداك روعي يا خلف خامس الأشباح
عاينت ابوك احسين من فوق المهر طاح
وشفته ايتقلب فوق رمضا ذيك الابطاح
وشفت الشمر بمهنده يفرى الوريدين

في خيمتك وجعان فوق النطع ممدود
وعباس فوق المشرعه مقطوع لزنود
وخيامكم كلها غدت للقوم فرهود
ونسوانكم فرت متدري تلتجي وين

وابنك الباقر طفل ظل يصيح محتار
وشعرفه يركب بلا هودج على اكوار
لكن صبر واساك في كل الذي صار
ساعة وفاتك راح يلطم على الخدين

يتذكر احوال عليكم صارت اهنالك
في كربلا ويلطم على خده وينعائك
ضجت لك الأملاك وارتجت الأفلاك
والحور تبجي وماجت السبع الأراضي

* * * * *

وقال مد الله ظله في رثاء الأمام محمد الباقر (ع)

موتك يبو جعفر ثلم دين النبي الهادي
وسم سرى في مهجتك يا بني سرى بفادي

تاहत بني اميه وبني العباس في دولتنا
واتسنمت تخت المجد والمجد في ملكتنا
من آدم الأول الى يوم الحشر دولتنا
مرسومه ابكل الكتب والأنبياء ابها تنادي

لولا أبونا المصطفى الأفلاك أبد ما دارت
والله وسفينة نوح لولا المرتضى ماسارت
لكن دوائر هالدهر مثل السحايب صارت
تمطر علينا ابكل بلا من يوم موت الهادي

جتنا السقيفه وطوقت بيت العلم نيرانها
وارض المدينه اتزلزلت وتحيرت سكانها
وركن الشريعه حيدر الممدوح في قرآنها
طلعوه من داره وصحت خلوه هذا اسنادي

ضلعي انكسر خدي انلطم عن نحلتي منعوني
قاسيت كل شده ومنت ما چنهم يعرفوني
وافيت ابويه امسقطه ومورمات امتوني
وحيدر ابمحرابه انطبر راسه وفقدت اولادي

منهم طريد اعن الوطن منهم غسيل ابدمه
منهم طريح اعلى الفرش مرمي ويعالج سمه
هذا جزا طه النبي المختار من هالأمه
لو لك دوى عندي يبو جعفر لفت افادي

ليتچ يزهره حاضره للباقر اتشوفينه
ودع هله وعياله وردوا له يودعونه
وصى الأمام الصادق والوى عليه ايدينه
في الحال فاضت رحه ياليتني له فادي

ماجت عليه الروضه وقبر النبي والمنبر
وماج البقيع الطاهر والكون أصبح مغبر

وبادر له بتجهيزه نجله الصادق جعفر
واراه في لحده وصرخ واوحشتي يسنادي

* * * * *

وقال ايضا في رثاء الأمام محمد الباقر عليه السلام

وسفه اعلى بو جعفر
وسفه اعلى بو جعفر
سمه نحل جوفه
وسفه اعلى بو جعفر

هاجت به اسمومه
ويلى وقرب يومه
ساعة الميشومه
ابلسموم جسمه اخضر

يا دوحة الأنصاف
يسلالة الأشراف

سورة نبا والأعراف
عن فضلك اتخبر

يا تحفة الأجواد
يا وارث السجاد
امصابك يفت الأكباد
والفكر يتحير

بحر العلم والجود
يا ظلنا الممدود
ليت الزمان يعود
نفرح بك ونستر

من ضجت الأملاك
ما دارت الأفلاك
من غمضت عيناك
لو لا الولد جعفر

جا ايلاطف اعيالك
وأمر ايشيالك
واتقدم وشالك
للقبر المطهر

كلكم ضحايا الدين
يمشيدي الدين
صدر العلم والدين
علويش يتكسر

ما حد بقي مطروح
الا الولي المذبوح
راسه ابقناه يلوح
مثل البدر الأنور

مرمي ثلاث أيام
يا غيرة الاسلام
يا صفوة العلام
كيف المحب يصبر

في رثاء الأمام موسى الكاظم عليه السلام

أعظم فجيعة على الشيعة وكسر ناموس
باب الحوائج السجن بالقييد محبوس

أمر به الطاغى رشيد الظلم والجور
قطعوا صلواته في حرم جده المبرور
دخلوا به امغلل على الضليل ماسور
هاي الهزيمة الهبطت من هاشم الروس

محمول للبصره وسجين اهنالك بيها
وكم سجن في بغداد يتردد عليها
وتالي الأمر سموه وسط اسجن فيها
في محبس السندي توفى شمس الشموس

وسفه والى وسفه يظل امصلي الليل
فوق الجسر والشيعت نعشه حماميل
وينه هلالغيره وهل الشيمه البهائيل
نصبي يزهرء مأتمة ابجنة الفردوس

وبالنجف في وادي السلام انصب المأتم
يا حيدر الكرار مات ابنك الكاظم
قضى العمر مسجون تالي مات بالسم
واندفن في بغداد وابنه في أرض طوس

في كم بلد في كل وادي الكم جماعه
والأعظم الي صوب افادي وراعاه

جسم الشهيد ابكر بلا انرضت اضلاعه
مرمي بليا راس وانصاره بلا روس

بيت الرساله ابيثرب انغلقت ابوابه
كم من شباب من طلع ما يندرى به
وفي الشام ماتت فاطم الصغرى ابخرابه
واخت الرضا ماتت برض قم راичه الطوس

ما ينقضي طول العمر حزني عليكم
يهل الشرف وافجعة الاسلام فيكم
هيهات ننسى فعلة العدو ان بيكم
بالسيف بالسم بالحبس لو تبش لرموس

* * * * *

وقال ايضا في هذا المعنى

اصبحت الأسواق كلها امعطله
والعوالم اصبحت متزلزله
ضجت الأملاك والجن والبشر
نعش ابو ابراهيم وصل للجسر

من يرج ارض المدينه ابهاالخبر
ينتدب طه ويعزي كل هله

وين حيدر والحسن وام الحسن
والشيهد الي بلا غسل اندفن
دوحة العز والفرايض والسن
حلت ابها كل فجيعة ومعضله

مات ابو ابراهيم چيده مقطعته
مات بالسم ما حصل من شيعة
شيعة نعشه حماميل اربعه
صار فرجه اعلى الجسر بين الملا

امر اسليمان غلمانه وصاح
عجلوا بالنعش وقت الفرح راح
خوفي ابها الفعل ترتج الأبطاح
شيعة ودمعه اعلى خده يهمله

اسف يا باب الحوايج يا شهيد
تنسجن وتموت في رجلك القيد
علجسر خلوك فرجه اعلى الصعيد
ما شفت مثلك جنازه امعطله

وين طه واين ابوك المرتضى
ساعد الله ابنك على باب الرضا
يوم صاحوا مات امام الرافضه
هاج بيه الحزن وازداد البلاء

حضر عندك في السجن جدد وداع
علجسر شافك اموسدينك القاع
جهزك للقبر يا حلو الأطباع
والسبط لحسين ما حد غسله

وابنه السجاد سافر بالعيال
فوق هزل والكفيل اعلى الرمال
ضل ثلاثيام جسمه ما انشال
تصهره شمس الهجير ابكربلا

يوم ثالث جاه من حبسه ونزل
حول جسمه ودمعه ابخده انهمل
صاح به ما عضو امنك اتصل
بالعضوا الآخر وكلها امفصله

جمع اوصاله ولفها اباريه
لا غسل لا كفن واعظم داهيه

يوم زاره بعد مرة ثانيه
جاب راسه وياه قاصد كربلا

جيته امن الشام جابه ابصحبته
ويح قلبي وين عنه عزوته
يوم حطه ويالجسد في تربته
كربلا صارت بهلها امزلزه

وقال في مصيبة الأمام الرضا (ع) ووصول الأمام الجواد اليه (ع)

شافه ووقع فوقه وشمه وقبله صوبين
يابه برض غربه تمت مثل الشهيد احسين

يحق لي ينور العين الطم على الخدين

جيتك بغسلنك وجدك ما احتضى ابتغسيل
مربي ثلثت ايام عاري تدوس جسمه الخيل

يحق لي ينور العين الطم على الخدين

حسره العزيز ايموت واهله ما يحضرورنه
ولو مات بين الغرب لازمهم ايجهزونه

يحق لي ينور العين الطم على الخدين

ولحسين جدنا بات مرمي ماله امواري
وغسله بدل ماي القراح ابدمه الجاري

يحق لي ينور العين الطم على الخدين

وابدال ماي السدر يابه اصبيب دمع العين
واخته على التل تنتحب وتصيح حيدر وين

يحق لي ينور العين الطم على الخدين

هب يا عدى انسيتون سدره وين كافوره
لادين عندكم لا حمية عرب لا غيره

يحق لي ينور العين الطم على الخدين

رضوا اضلوعه وعاندوها وهجموا الصيوان
فرت من الخيمه الحراير تنتخي الشبان

يحق لي ينور العين الطم على الخدين

وقال في خروج فاطمة المعصومة (ع) من المدينة قاصدة للرضا عليهما السلام

زارت قبر جدها ومشت والناس في زلزاله
ما وصلت قم طرشت تسئل أخوها اشحاله

وقفت على باب الخبا لن العزاء جدامها
ولن لشعور امنشره ومنكسات اعلامها
والجاريه جدامهم بالحجر تلطم هامها
وتقول رايتنا انطوت ودموعها هماله

ياليتنا من ابلادنا هالبلد لاجينا
ليل ونهار امسيرنا اتعج الرجائب بينا
لو بس فرد ساعه الدهر يسمح نرى والينا
لن الدهر بينا غدر مات الذي جينا له

من حين وافاها الخبر في الحال شقت جيبها
صاحت غدر بينا الدهر كل معضله النا يجيبها
شمس تضوي لينا وفي طوس حان مغيبها
الله ايكف عنا البلا وجور الدهر واهواله

كلما عتبت اعلى الدهر نبل الدهر وافني
أول فجعني بالأبو وتالي ابشيخ اخواني
اوجست في قلبي الحزن من يوم خطه جاني
في هالبلد قبري انكتب مات الذي جينا له

الله يعظم ليج الاجر والي الشريعة اتوزعت
جبهه من اسوم العدي ومهجة حشاه اتقطعت
من حين سمعت هالحجي بنت النبوه اتروعت
زفرة ابأثر زفره وقضت حين اخبروها ابحاله

* * * * *

وقال بلسان الحال على حكاية البدوي: بحار (ج ١٣)

ذاك چنه من بني عمر العلا
أهل لمره الحوتهم كربلا

للحشر قلبي يرج من هييته
مارضى من غيرته انطب خيمته

ليت حاضر يوم طلعت عمته
تنتدب جده الشهيد ابكربلا

تنتدب جده يسردال الحرم
قوم رد الخيل وصلت للخييم
روعوا الأيتام يا راغي الشيم
حيرتني وهالحمل من يحمله

تدري الحرمه تريد الهاكفيل
كيف تكفل حرم واطفال وعليل
والسفر چايد وفيه امسير ليل
وانا قبل السفر ناحلني البلا

هجموا اخيامي العدى وحرقوها
وبالسياط ايتامكم ساقوها
اخيولكم يهل الشيم طلقوها
چی تذلووا يا بني عمر العلا

وقال ختم الله له بالخيرات في ذكرى صاحب الزمان عليه السلام

يا هلا ابرايات أبو صالح هلا
طوق ابيشك نواحي كربلا
طوف بيها وناشد الأرض اشجری
وناشد التل عن الحوراء استخبره
وشوف وبين المعركه والمجزره
وين طفل احسين صابه حرمله
ناشد المسناة يا غوث الأمم
طاح في أي كتر شيال العلم
وين شافه بوعلي والي الحرم
چم فجيعة فيج يا أرض البلا
ثور يا بن العسكري انشر رايتك
أفنت السيوف الأعادي عزوتك
سلبوا النسوان حرقوا خيمتك
ضجة النسوان بشعه ومهولته
شوف طيحة بوعلي في أي كتر
عن يمين النهر طاح امن المهر
ظل عفير اعلى الثرى وجاه الشمر
داس صدره والسبط ينخى هله

وين جدي العطش ذوب مهجتي
وين حيدر وين عني عزوتي
وين اخويه الحسن يكفل عيلتي
لا تظل ابها لبراري امهمله
قاله اتنادي الأهل وين الأهل
تندبح ظامي القلب حان الأجل
كل هلك غياب يا شبل الفحل
قطع راسه والأرض متزلزله
زلزل الأكوان يا شبل الحسن
خامس الأشباح مرمي ابلا كفن
ظل ثلاث ايام تاليها اندفن
ما احتظى ابكافور ماخذ غسله

قد اعترفت انني مقصر لكن رجوت الله ربي يغفر
توسلا بالمصطفى الأواب وآله خير الورى الأطياب
صلى عليهم ربنا وسلما ما ان حدى حاد وما غيث همى

تم الجزء الثاني من ديوان النصره المهديه للعترة الأحمدية ويلييه
الجزء الثالث بعون الله تعالى وصلى الله على محمد وآله الطاهرين.

الناظم

